

ልእክት ርኢስ ኢሳይያስ አፈወርቂ፡ እብ መናሰበት ሰነት ሐዳስ 2023



ለለትሐብን ስሙድ እብ ፍዕል እርኡይ ህለ። ደፍኦት ሕቅፍ ገቢሉ ለገብኤ፡ ቅዋት ድፈዕ ህዬ፡ አስክ እለ እግል ጀርቤታት ወራር ሰብ እኪት ወክይነት ለለኦድብ ምስተንክር ዐምልያት ህጁም ምዳድ እብ ፍዕል እርኡይ ህለ። ሐብንዬ ቅያስ አለቡ።

2023 ሸበህ ናይ ዓ'መት ወሰብ እኪት ህንዲዶታት ልግበኤ፡ ናይ አዝናቦም ዋይዲባት ለልትሀወን ሰበት ኢመሰል፡ ዝያደት ክሉ ህዬ ናይ ዐማር ተሕድያትመ እግል ልዕቤ ሰበት ቱ፡ እንዴ ኢንትሀመል እግል ደቀበ ስሙድ ዲብለ እንወድዩ መዳሊት ዐውቱ ዲብ መጦር ዓድል ሕርያንና ቱ።

**በኪተት ሰነት ሐዳስ ወጃያድ!
ሐብን ወሕሽመት እግል ሹህዳ!
ዐውቱ እግል ገቢል!**

(እብለ መናሰበት ክለን ወሳኤል እዕላም ኤረትርዮ ዲብለ መጽእ ሳምናታት፡ ምስል ሓይስ ርኢስ ኢሳይያስ አፈወርቂ ዲብ ናይ ወክዱ ናይ ወጠን፡ መንጠቀት ወወለም ለረከዘት መቃበለት እግል ሊደዩ ክምቱ ነሐብር።)

ሰነት 2022 ኮሺድ 19 ሸበህ ተሀወን ምንመ ልትበህል፡ ለትፈናተ ብቅት ጠቢዐት ለበጭበጨዩ ሰነት ዐለት። ዝያደት ምን ገሸለት ብቅት ጠቢዐት ላኪን፡ መናቢት (lords) እግል ለአመሬዕ ለህለ ዎሮ-ረኣሱ ናይ እለ ዐለም ቁጥብ ህንዲዶሆም ኢንፍጅን እግል ሰነዖት ለለወድዉ ናይ ግምሽ ጀርቤታት፡ ወህቱ ለሰብ ህለ ናይ መንገፎ ወእቅትሳድ መትብጭባጭቱ ዕላመተ። ዲብ

ግዋሬነ ሕድ እብለ ሹብህ ወተር፡ እብ ቅብላትለ ገንደበ አጃንዳቶም፡ ነዐር እግል አሳወርት ለወዱዉ ዋይዲባት ወመትኦታይ እት ዘይድ ጌሰ። ሂሰተርዮ ናይ ድመል ጽብኢቶም ድድ ኤረትርዮ ህዬ ዝያደት ለዐቤ ህለ።

ዲብ ከርስ ክእነ ላቱ ናይ እድንዩ መንጠቀት ወወጠን ቴለል፡ ሸዐብ ኤረትርዮ ዲብ ቀበት ዐድ ወካርጅ፡ ፈሀሙ ወስሙዱ እንዴ አተረደ ወስፋፋ እንዴ ደረዐ፡

ቅብለት በሐር ቀየሕ፡ እጅትማዕ ንማም ገብኦ

መክተብ ጀብህት ሸዐብየት እግል ዲሙቅራጥየት ወዐዳለት አቅሊም ቅብለት በሐር ቀየሕ፡ ወራታት ሰነት 2022 እንዴ ጌመመ፡ ዲብ ስታት በራምጅለ መጽእ ወክድ ለለሀድግ እጅትማዕ ዲብ ዮም 30 ዲሰምበር ሰነት 2022 ወደ።

ሸርሐው።

መስኡል ጀብህት ሸዐብየት እግል ዲሙቅራጥየት ወዐዳለት እተ አቅሊም አሰይድ ረዘኔ አዶናይ እብ ጀህቱ፡ እብ ሸዐብ ወሸቃለ ሕኩመት መደንዩን

መትካም አንሳት እግል ልትደቀብ፡ ዶር ሸዐብ ዲብ ረዘቅት ሰንዱቅ አማነት ሹህደ እበ ትወቀለት እግል ለአተላላ፡ ወማዕዩ ለለአሻርክ ወራታት ኬወ እግል ልትሰርገል ለልብል ረኣይ ትቀደመ።



ዲብ እዳርዩን፡ መስኡሊን መጃምዕ፡ መትካም ሸዐብ ወመደንዩን ሸቃለ ሕኩመት ለሻረከው እቱ ህድግ፡ ዲብ ሰነት 2022 እት ናይ እጅትማዕየት፡ እቅትሳድ፡ አምን፡ መትካም፡ ወበራምጅ ዐማር ወመዳፍዐት ሻምለት ናይለ ትሰርገል ወራታት ተቅሪር ትቀደመ።

መስኡል ሸኡን ሲያስት አሰይድ አሕመድ ጀዐፈር ወመስኡል ሸኡን ተንዝምየት አሰይድ አሕመድ ዐብደልቃድር፡ ዲብ አደቀቦት ነዘሞት ከዋደር እብ ሐዲሱ፡ ዐቦት መሻረከት ሸዐብ ዲብ ረዘቅት ሰንዱቅ አማነት ሹህደ፡ ወተእሂል ዕሉም እጅትማዕየት ወብዕድ ለልትሐመድ ሸቅል ክም ትሰርገል

ለትሰርገል ወራታት እብ ዓመት፡ በራምጅ ዐማር ወመዳፍዐት ሻምለት ህዬ እብ ፍንቲት እግል መጽእ ወክድ መበገስ ክምቱ እንዴ ሐበረ፡ አደቀቦት ተእሂል ከዋድር፡ ወአተረዶት መሻረኩቶም ዲብ ፍዓልየት እብ ደረጃት ወጠን ለልትኤተን በራምጅ ምን አግደ ስታቲባት ሰነት 2023 ክምቱ አብርሀ።

ምሻርከት ዲብ ትቀደመ ተቅሪር ሐቆለ ወደው ህድግ፡

ሓክመት አቅሊም ቅብለት በሐር ቀየሕ አሰይደ አስመረት አብርሀ እተ ቀደመት ከሊመት ካቲመ፡ ዲብ ሰነት 2022 ለትሰርገል በራምጅ እብ መጅብ ለዐለት ሓለት ወተሐድያት ሰኔ ክም ዐለ እንዴ ሐበረት፡ ዲብ ሰነት 2023 እብ አውለውያት ለልትኤተን በራምጅ ዲብ አርድየት እግል ልትሸቁ እቡ ክም ወጅብ አትፋቀደት።

ግብለት ሱዳን፡ ሙእተመር ማሕበር አንሳት ልትሰርገል

ፈርዕ ማሕበር ወጠን አዋልድ አንሳት ኤረትርዮ ዲብ ጀምሁርየት ግብለት ሱዳን፡ መዳፍዐት እት መርሐለት ላዝመት” እበ ትብል ስቅራት ዲብ ዮም 31 ዲሰምበር ዲብ ጁብ 3ይ መእተመር ሰርገለ። ናይብት ርኢስት ፈርዕ አሰይደ ክብረ ተወልዴ እተ ቀደመቱ ተቅሪር ዓም፡ ዲብ ሰነት 2019

ሰፊር ኤረትርዮ ዲብ ጀምሁርየት ግብለት ሱዳን አሰይድ ዮውሃንስ ተክለሚካኤል እብ ጀህቱ፡ ኤረትርዮት አንሳት ዲብ ግድለ ሕርየት፡ አድመኖት ስያደት ወበራምጅ ዐማር ለቀደመያሁ ዶር ዐቢ እንዴ ዘክረ፡ መትካም ሐለት ቱ” እበ ትብል ስቅራት ዲብ ሰነት 2015 ለትበገስ መትካም



ብዝሐ አንፋር መጅልስ 30 ከም ዐሉ፡ ምናተ እብ ሰብ ገሸለት ኮርን፡ ወመትዐዳይ ዲብ ድወል ብዕድ፡ ከም ነቅሰዩ እንዴ ሐበረ፡ እለ ክም በዲሩ እግል ለአቅብል መትካም እንዴ አፍዩሕዩ ለለኦድምዕ ወራታት እግል ልሰርገል ክምቱ ሸርሐት።

እተ መናሰበት፡ መትካም ሸዐብ ጀብህት ሸዐብየት እግል ዲሙቅራጥየት ወዐዳለት፡ ጃልየት ወመድረስት ጃልየት እተ አስምዐወ ናይ ተአዩድ ከሊመት፡ መትካም ማሕበር ወጠን አዋልድ አንሳት ወራታቱ እግል ልተረድ ከም ከድሞ ገለድ በይአው።

ማሕበር ወጠን አዋልድ አንሳት ዲብ ግብለት ሱዳን ወድዩ ለጸንሐ ዶር እንዴ ሐመድ፡ እግል አደቀቦቱ ለሰዴ አፍካር ቀደመ።

እት ደንገበ መምሸእርከት እግል ተልዩ 2 ሰነት ወራታትን ለመርሐ 30 አንፋር ለቡ መጅልስ ሐዲስ እንዴ ሐረዩ፡ መስኡልየት ቀራር ሀቢያህ።

ለሙእተመር አጀኒት ደረሰ መድረስት ጃልየት ወፍርቀት ዓዳት ዐወት እበ ቀደመው ናይ ወጠን ወሰውረት አናሺድ ወሐልየት ጋምል ከም ዐለ ለበጽሐተነ ሐብሬ አፍህመት።

ግ/በ/ቀየሕ፡ እት ወራታት ዓፍየት ልትቀደም

ፈርዕ ውዛረት ዓፍየት አቅሊም ግብለት በሐር ቀየሕ፡ ሕማማት ዐደዮ እብ ዓመት ኤፕሪል/ኤድይስ ህዬ እብ ፍንቲት እግል ልትከራዕ፡ ለተአደምዕ ወራት ሰርገል ክም ህለ ሸርሐ።

እተ ፈርዕ መስኡል አትፋዝየት ወሐብሬ አሰይድ መሐመድ ንጉስ እግል ኤሪን እተ ሀበዩ ሐብሬ፡ ዲብ ክለን መአሰሳት ዓፍየት ለሸቁ አንፋር ዶርም ዲብ ዓፍየት ኤፕሪል/ኤድይስ እግል ለከዚዶ፡ ምህም ሰበት ቱ፡ ፈሀም ሙጅተማዕ እግል ልዕቤ መሓደራት ወግማት ከም ልትሀብ እተክምሰልሁመ ከደማት ፈሐስ እብ ምራድ ከም ገብእ ሐበረ።

ዲብ መአሰሳት ዓፍየት ለልትሀብ ከደማት በይኑ ካፊ ሰበት ኢኮን፡ ዲብ ብሩር እት ልትሐረኮ ግማት ወምክር ከም ለሀይዶ ወፈሕስ ክም ገብእ እንዴ ሐበረ እለ ዲብ ዓፍየትለ ሕማም ዶር ዐቢ ክም ቡ

አፍህመ።

አሰይድ መሐመድ እንዴ አትሉ፡ ለእግል ሰብ ምህነት ዓፍየት ልትሀብ ተእሂል፡ ዲብ ዓፍየት ወራቀቦት፡ እግል ሐመው ህዬ ዕምር ለወሰክ ደወ ወመራዐየት እም ወጅነ እቱ ለረከዘ ክምቱ አትአመረ።

መስኡል ፈርዕ ውዛረት ዓፍየት ዲብ አቅሊም አሰይድ መሐመድ አንዋር እብ ጀህቱ፡ እግል አንፋር ለሳድፍ መሻክል ህዋዩ ምነ እት ሸቅል ለሳድፍ መሻክል ሰበት ለዐቤ ሐል እግል ልትባሰር እሉ ጅህድ እግል ልግባእ ትፋክ።

እት ደንገበ ሙዲር ዓም ቅስም ከደማት እጅትማዕየት አሰይድ ሐመድ ዐሊም ሲር፡ ፈዓልየትለ ፈግር በራምጅ፡ እግል ለንፋር ለልትሀብ ተእሂል ወአተላላይ እግል ለሀሌ እግሉ እንዴ አትፋቀደ፡ መሞ-መጦሩ ለልትቀራእ ክቱብ እግል ልትዳሌ እግሉም አትፋቀደ።

ቅ/በ/ቀየሕ፡ ሸዑ እት ደገጊት እግል ልትከምከም ሊከ ትቀደመት



መትከምከም ደገጊት፡ ምህም ከደማት እጅትማዕየት እግል አትዳለዮት ሰበት ለትሐዘኔ እግል ልትሸቄ ዲቡ፡ ምዲረት አቅሊም ቅብለት በሐር ቀየሕ አሰይደ አሰመረት አብርሀ፡ እት ዮም 28 ወ 29 ዲሰምበር እትለ ገብአ ናይ ሰነት ጌማም እዳረት አቅሊም አትፋቀደት። አሰይደ አሰመረት፡ ዲብለ አቅሊም

ተዕሊም ባቅዕ እግል ልትሆብ ጅህድ ገብእ

እት ሙዲርየት ሰነይ- እዳረት ደዋይሕ ፋንት እት ምግባይት ደረጃት መሻረከት አዋልድ ትነቅሰ ሰበት ሀሌት፡ ሕሉል እግል ልትባሰር እሌ፡ እት ድዋራት ለሀሌት መድረሰት ምግባይት ደረጃት እት ካልኣይት ደረጃት ለትትዕዴ እበ አርደት እግል ትዋፈሕ፡ በርናምጅ ዐረዮት እግል ልትዐወት ህይ እዳራት ደዋይሕ ወዋልዴን ሕሉራም እግል ልግብአ እት ተዐገለ መሕበር ሊከ ትቀደመት። እት ሙዲርየት ድጌ- እዳረት ደዋይሕ ሓሻኪቶ ህይ፡ ኢመትከምከም ደገጊት ወሪም ምን መዳርስ እብ ፍንቱይ አዋልድ

መትወቃል ደረጃት መዳርስ መኣንብታይት እት ካልኣይት ደረጃት

ዲብ ምዴርየት ግንዳዕ ወፈር፡ ምን መኣንብታይት እት ካልኣይት ደረጃት ለትወቀለየ መዳርስ፡ እግል ደረሰ ወዐይላቶም መርሀዮ ጋብእ ክም ሀለ ተሐበረ። መስኡል ፈርዕ ተዕሊም ምዴርየት ግንዳዕ መምህር ገብሬእየሱስ መለሰ፡ እት ምዴርየት ምን መኣንብታይት እት ካልኣይት ደረጃት ለዐበየ መዳርስ 18 ክም በጽሐየ እንዴ ሸርሐ፡ አብካት ለዲብ

ጸሐፊዎች

ክል አርቡዕ ለትጠብዕ ጀሪደት

መዳልያይ፡
- መሐመድ እድሪስ

ለይኣውት ወኣርተዖት
* ዘህረ ዐሊ
* ፋጥነ ኣድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውገዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

ወንዋይ ለሰላቴ ከዛን ወመሸከፍ ወሐይዝ እግል ልትሸቄ ህይ ሕፍዝ ክም ገብአ በርሀ። እት ሰነት 2022፡ ለእብ ጀሪፍ ወከረም ከበሰ ለልትዐመር ዝያድ 65 አልፍ ሄክታር፡ ሐድ 10 አልፍ ሄክታር እብ ጀሪፍ፡ ዝያድ 11 አልፍ ሄክታር ህይ እብ ከረም ኣውለት ክም ተዐመረ፡ እተይ እግል ልበርክት ለሰዴ 329 ኩንታል ሕሩይ ዘርእ ድንሽ እት ሐረሰቶት ክም ትካፈሉ፡ ምስል መኣሰሰት ብሐሰ ሐልሐሌ እብ መትዓዋን ህይ 970 ሽትል ተመር ክም ትወዝዐ ተሐበረ። እምበል እሌ፡ ከደማት ውላደት፡ መታብዐት ቀደም ወሐቆ ወሊድ፡ ክምስልሁመ ፍድኢት አጀኒት ለተአትናይት ፍገራት ትረከብ ምኑ ዲብ ህሌት፡ ፍድኢት ሰረጣን ስጋድ-

ርሕም ላኪን፡ እብ ለትፈናተ አሰባብ ምን ትሰኡተ ድህር ጋብአት ክም ጸንሐት ተሐበረ። ከደማት ተዕሊም እበ ከሰሰ፡ ዲብ ምዴርየት ፈር፡ አፍዐበት ወናቅፈ፡ እብ መዓወት ሸዑ ወእዳራት ዲብ መዳርስ ዘሪበት እብ እመን ክም ትሸቀ፡ 9 ሐዳይሰ መዳርስ እብትዳእየት ወ 30 ረውደት ክም ትከሰተየ ወክልኤ መድረሰት እብትዳእየት ዲብ ካልኣይት ደረጃት ክም ተዐደየ ተሐበረ። መሻርክት ዲብለ ትቀደመ ተቅሪር ሐቀለ ሀድገው፡ እት ፈዓልየትለ ልትኡተን በራምጅ መዓወት ኩሎም ጀሃት እግል ትትኣከድ፡ ሕዝቦታት ወዕጪይ እግል ልትሐፈዝ መራቀብት ትርድት እግል ትግባእ፡ ወራታት

ሕፍዘት ማይ ወትርበት እግል ልትደቀብ፡ አሰነዮት ለአበረየ መኣሰሳት ዓፍየት ወተዕሊም ህይ እግል ልትሻፈግ ለልብል አራእ ቀደመው። ሐክመት ለአቅሊም አሰይደ አሰመረት አብርሀ እት ናይ መድብኢ ከሊመተ፡ ማይ እግል አዳም ወንዋይ እግል ልትደመን፡ ዲብ ሐሰዮት ምዴርየት አፍዐበት ወናቅፈ ማይ ወትርበት እግል ልትሐፈዝ፡ ክምስልሁመ ወራታት ሽቲል ዕጪይ ገሌ ምንለ እት ሰነት 2023 እብ ርሐቡ ለልትከደም በራምጅ ክምቱ ሐቀለ ሸርሐት፡ ግዴት መጅተመዕ እብ ዓመት፡ ናይ እዳርደን ህይ እብ ፍንቱይ እግል ልዕቤ ሊከ ቀደመት።

ፖሊሱ፡ እት ለትፈናተ አካናት ምስል ሸዑ ለመሕብር



ፖሊሱ እት ቃትን ወዳፈዖት ጀሪመት ለረከዘ መሓደራት እት ሙዲርየት ዐዲኻላ፡ ማይ-ዐይኒ፡ ቲራቮሎ ወግንዳዕ ሀበ። ለእግል ሸዑ እብ ዓመት እግል ደረሰ ህይ እብ ፍንቱይ ለተሀየበ ደርሱ፡ ጀራይም ውብቀት እግል ዳፈዖት ለአመግ ቲ። እግል ደረሰ ህይ እብ ፍንቱይ ለተሀየበ ደርሱ፡ ጀራይም ውብቀት እግል ዳፈዖት ለአመግ ቲ። ቃእድ መርከዝ ፖሊሱ ሙዲርየት ዐዲኻላ ቴሌንቴ ተሰፋልደት ወልዴሚካኤል ምስል ደረሰ እት ወደዩ ሀድግ፡ አሰባብ ወመደረት ጀራይም ወአክጣኣት ለትኸሰሰ መሓደረት ዋሰዕት ሐቀለ ቀደመ፡ ደረሰ ምን ጀራይም ወአክጣኣት እንዴ ሬመው፡ እብ አኻላቅዖት እንዴ ትረበው እት ድራሰቶም እግል ልረክብ ጎማቱ ሀበ። ቃእድ መርከዝ ፖሊሱ ሙዲርየት ማይ-ዐይኒ ናይብ ቴሌንቴ ሻወሽ ወልዴጋብር እብ ተረቲ፡ ዶር ሸዑ እት ወራታት ፖሊሱ መሀም ክምቱ እት ሸርሐ፡ ሸዑ እት ለትፈናተ

ድዋራት እግል ጀሬ ጀራይም እት ወክዱ ፖሊሱ እግል ለሐብር፡ ዋልዴን ህይ ተርፎም እግል ልረቡ አትፋቀደ። እት አቅሊም ምግብ- ሙዲርየት ቲራቮሎ እት ገአ ህድግ ህይ፡ ቃእድ መርከዝ ፖሊሱ ነኣይሽ ካፒቲን ሀብቱ ገብራይ፡ ጽብጠት ቃትን ናይለ እብ ሰነት አዳም ለኢበጽሐው ለጀሬ ጀራይም ሐቀለ ወደሐ፡ ዋልዴን አጀኒት ትርቡያም ወመፍርየት እግል ልዓቡ ሰኢ እግል ልወጅህም ትፋን። እት መዲነት ግንዳዕ እግል ደረሰ ምግባይት ወክልኣይት ደረጃት እት ተሀየበት መሓደረት ህይ፡ መስኡል ዳፈዖት ጀሪመት ቴሌንቴ ክፍሌ ተሰፋዮናሱ እብ ደረሰ ለልትርኤ ኦኦገብ ወጀራይም ሸርሐ እት ህሌ፡ መስኡል ፖሊሱ ትራፊክ አሰይድ መብረህቱ ረድኢ ህይ፡ እብ ብቀት መካይን እት አዳም ወመምተለካት ትጀሬ ለሀሌት መደረት ወእግል ልግበእ ለቡ መደጋግ ሸርሐ።

ሐጋት፡ ክድመት መዲነት ለተትሓይስ ብንየት

እት እዳረት መዲነት ሐጋት ለዐለ መጋድዕ መካትብ ወሐሽ እግል ባለሐት፡ እብ ዝያድ 3.2 ሚልዮን ነቅፈ ወሰክ መካትብ ወሐሽ ክምስል ትበክ፡ ናይ ዶሉ ሙዲርሰ መዲነት መምህር ተሰፋይ ጸጋይ ሐበረ። ህቲ፡ ምስል ኤሪን እት ወደየ መቃበለት፡ መሻክል ከልቅ ለዐለ ጭብ መካትብ እግል ባለሐት፡ እብ ዝያድ 1.2 ሚልዮን ነቅፈ 5 መክተብ ምስል በረንደቱ እግል ክድመት ዱሉይ ክምስል ህሌ፡ እብ 2 ሚልዮን ነቅፋ ህይ ሐሽ ክምስል ትሸቀ ሸርሐ። እምበል እሊ እትኩሩም ለዐለ ከደማት ነወኮት ግማመት ክም አንበተ፡ እት መሐጠት አተቡሰ ለልትረከብ መብተረሓት ወሐማማት ህይ እት አምዳላት ቅሩብ ከደማት ክም ለአንብት እት ሸርሐ፡ እት ፍንጌ ለልትካረው ወለትካሩ መቅሬሕ ሰኢ እግል ለሀሌ ቃትንያይ እትፋቅ እግል ልግበእ ትፋን።

1ይ ክፋል

ሰሌማን ከበር ሰግም ዐድ አቡሁ ዐሊ ዳሊ ሰበት ዐሊ እለ አምዕል እለ እግሉ ለኢትትወሐ ዲብ እንተ ወዐለት። ለእምበል ከበር ርኢሆም ለኢለምር ዐድ አቡሁ ዐሊ እግል ልርኤ ወምሰለ ሰናቱ ላቱ ውላዶም እግል ልተልሄ ወምሰሉ ንዋይ እግል ለአትፈርሮምቱ ልትህገን ለዐለ። ሰሌማን አደሐ ሽንኩት ሐሴ ዳንን እንዴ ወዐለ አምሱይ አጣሉ ዲብ ከብብ እበ ሐርመት ሹብብ ክምሰል ቤላቱ። ዲብ ባካት ንሕሶም ያልሌ ሐዲስ ንዱቅ ዲብ እንቱ ክምሰል ረኣ አጣሉ እንዴ ሀድገ ውርዋረት ዲብ ገብኤ። እግለ አጣሉ እንዴ በድረ ዐድ ዔረ። ሰሌማን ትምኔቱ ረክበ። ዐድ አቡሁ ዐሊ ሐቆ 8 ሰነት ዲብ ሽፍሮም ወሐረቶም እንዴ አቅበለው። አበዉ ዲብ ልትሃጀኮ ክምሰል ጸንሐዉ እሎም እንዴ ትሳለመ ዲበ ባክ አትቃመተ። ሁቱ ምራዱ ወዐሽሙ ለዐባዩ እንዴ ኢገበኦ ዝያደት ክሉ እበ ሰናቱቱ ሹቁል ዐለ።

ሳልም ምነ ያልሌ እንዴ ፈግረ ክምሰል ትከበተዩ ላተ ሰሌማን ሰኒ ትረይሐ። ሕድ ትሳለመው። ክልኢቶም ሳልም ወሰሌማን እብ ክጅል ዲብ ለአድኖኑ መደቲት ሐቆለ ትቃሰው። ሰሌማን ዐጣሉ እግል ለዓይር ብግስ ክምሰል ቤለ ሳልምም ምሰሉ ትወክለ። ዐሊ ዲብ ልትሀራሀር “ሰሌማን ወልዬ እሊ ሐከ እውዓለት አጣል ዐልሙ ግረ እለ ልንጉይክ ህለ” ዲብ ልብል ወዲብ ልሰሐቅ ትፋነዩ።

ሰሌማንመ እለ ዘዐት እላቱ ልታኬ ለዐለ። ምሰለ አደሐ ዲብ መዓላት ንዋዩ ልውዕል ምሰሎም ለዐለ ሰናቱ። “እሊ ወድ አቡዬቱ እግል ሊበሎም” ሰኒ ሻፍግ ዲብ እንቱ። ሰሌማን ወሳልም እተ ቀበትለ አጣል አተው። ሰሌማን እብ ምግብለ ሽዑግ ለዐለ ግረህ ልትሸወር እት ህለ። ሳልም ላተ ምነ ልሰዕዩ ለልትዐቀፋ በዝሐ። እሊ ወክድ እሊቱ አቡሁ እድሪስ ምን ቅብላት ዲብ ለአቀምቱ “አላ እሊ ሳልምቱ እናሰ ገብኤ። ጀለጀላሉ ረቢ ዕቤ ለቤለዩ ለዐቤ ዲኢኮን መስኪነት እሙ ዲብ ወክድ እኩይ ሐድገቱ” ቤለ ግረ ዲብ ሰነት ሰብዒን እንዴ ትወለበ አስተንተነ።

ዐሊ ላተ ለመትዐናቃፍ ወልዱ ለአትፈክሩ ሰበት ዐላ። “ትርእዩ ህሌክ እሊ ዕበያት ዲብ ቶከር ግረ በልሰዩ። አርድ ጣፍሕ ሰበት ለምደ እለ እላሁተ። ዲብ እንሳግምመ ዲመ ዲብ ልትዐንቀፍ ወወድቅ ሐዋጉ ጠረዋር ገብኦ መስኪናይ ኣዜመ ለድርሾሽለ ገርሀት ከፎ ወድዩ ህለ ረአዩ። ሳኪን ክእነ ዲብ ወድቅ ወቀንጽ ጌሰ ምንገብኦቱ እናሰ ፋርስ ለገብኦ።” ቤለ እግለ ፍጃን ቡን ምን እዴ እድሪስ ዲብ ልትናወል።

እድሪሰመ ዲብ ልሰሐቅ “ያረይ ሳልም ሰሌማን ወልነ ሰኒ እግል ለአትሰብዩ እግልኮቱ።



እም የቃይም

ምን ፈጅር ዲብ ዘነቡ ትቀረን ምንገብኦ ህዬ ፋርስ መውዕላይ ንዋይ እግል ልግበኦቱ። አሰናይ ዮም ዓመት ምድርን እንዴ ትበው ሳገምኩም ዲኢኮን ሳልም ግረ እለ እመነት እተዐንቅፋ ወድርሾሽ” ቤለዩ ሁቱመ እግለ ፍጃኑ ዲብ ልትሀናፈት።

እድሪስ ወዐሊ ሐቆ መትፈናታይ ብዙሕቱ እለ ምሴት እለ ዲብ ርሽመተ ውቁል ሮረ ምን ሐዲስ ዲብ ሐቱ ጢሾ ለተዐገለው ወዲብ ምሮ ምድገ ለሰሐነው። ለወክድ ወክድ ሰግም ሰበት ዐለ ክሉ ስሕል ወቶከር ሳብክ ለዐለ አድሁይ ክምሰለ ዲብ ሐን ቀይም ከርከር ዲብ ልብል ምን ርሽመተ ውቁል ሮረ አሰክ ቅብለት ገጹ ልሸልሀት ለዐለ። እትሊ ሐን እሊ ላተ ክምሰለ ዕዉር ሕደግ ወሐንኪሽ ለትበሀለ። ካቤትለ ስሕል እንዴ ኢተዐሬ እቡቱ ምን ስሕል አሰክ ኣውለት ለሳግም። ሰብክ ወሰግም ህዬ ዲብ ሰካንለ ምድር ልሙድ ወእብ ሐንሒት ክሉ ንኡሽ ወዐቢ አሰክለ ተዋብ ለልታከዩ ምን ዶሉ ዲብ ሐሉ ሹብብ ለልብክ ዳይ ቱ።

እድሪስ ወዐሊ ክልኦት ሐው ውላድ አበውቶም። እድሪስ ወድ መሐመድ ውድ ሓምድ ወዐሊ ወድ ሳልሕ ወድ ሓምድ ቶም። ሓምድ ወድ ፋይድ ህዬ እግል እድሪስ ወዐሊ ለጨምር እግል አበምም ለወልደ ኡብዕብ ክልኢቶምቱ ለዐለ። እድሪስ ወዐሊ ምን ንእሾም እብ ፍቲ ሕድ ለዐበው ሰናት ምንማቶም እብ ሰብብል ዲብ ሰነት ሰብዒን ለሳደፈ በደ ንዋይ ትፈናተው። ዐሊ ቶከር ሰክነ ወእድሪስ ዲብ ሮረ ተርፈ። እድሪስ ቦርሱዳን ዲበ ገይሰ እቱ ወክድ ህዬ ሽጉዋ ሐሳስ ወረብብዒት ሽዒር ወሽንራይ እንዴ ዐቅረ ዲበ ሳክናመ ለዐለው ታዩት ዔለ-ድባይ ሽክፍ ልብል እቶም ወዶለ ሰግሙ ሁቱመ ምን ዐድ ሐሁ ክልክልኦት ተመክ ብልቱብ ወሕጃረ እንዴ አትሄደዉ ሳግም ዐለ። ዮም ዓመት ሳኪን ዐሊ ወዕያሉ ምድሮም ሰበት ትሰፍለለው ምን ቶከር አሰክ ሮረ ሳገመው።

ዐሊ ወድ ሳልሕ ሐማሁ አርበዕ ጅነ እንዴ ሐድገት እሉ ትትወፊ ዲብ ህሌት እት መሸንገሉ ጸር ክቡድ ሓደገት እሉ ዐለት። ዕበያት አጀኒት ህዬ ሰኒ ፈዳቢት

ተ። ዐሊ ሐቆ ሞት ሐማሁ ኣውለት ለዘተ ሰበት መረ እቱቱ አሰክ ከሰር ለሃጀረ። እግልሚ ለዘት ኣውለት ዝያደት ምሰል ንዋይ ልዋዕም። ሰብ ኣውለት ህዬ ዝያደት ልትከሉቡ ንዋይ ሰብዒን ለትትበህል ሰነት መክረሀት ክምሰል ወሐቱ ክሉ ተዋብ ንዋይ ለለአምር ለዘት ሮረ በዴት ምኑ። እብ ፍንቱይ ለእብ ዔሻት እሙር ለዐለ ምድር ሐባብ ሰነት ሰብዒን እብ ኬር ኢመጽኦቱ። ሐ ለለአፈኔ ሕማም መጽኦ ለሕማም ግልሓይቱ ሚ ብዕድ ኮንዶእ! ሮረ-ሐባብ እብ ሓታቱ እሙር ወሰሙይቱ ለዐለ። ሰነት ሰብዒን ሳኪን ንዋይ ሮረ ትወሐ ከሮረ ምን ጭገረት እብ ሃሉ ተርፈ። ክሉ ለሐልብ ወልምህጽ። ሐሊብ ወሐሳስ ጸብሕ ወካፍል ለዐለ ገቢል እለ ሓሰደት ሰነት ክምሰል ትለሽገት እቱ ሕኔት ሐሊብ ወምሂጽ ለዲብ ክል ኣካን ትትዋደቅ ለዐለት ሐ ዲብ ለሐርድ ለሕ'ላብ ወምሂጽ ሳምድ እደይ ሰብ ሮረ ህዬ ዲብ ጠቤሕ አጅሉድ ወሽንርሕ ሰገ ሌጠ ትከሰኦ። ረቢ ብዲበ ሰነት ሰብዒን።

ዐሊመ ለዐለት እግሉ ሐ እትለ ሰነት እለ ሐቱ እግል ሰራይ ለትገብኦ ምንሕት እንዴ ኢተርፍ ምነ ሰበት ትማዩተት እብ ፈነ ሓሁ ዲብ ልግሄቱ አመት አለበ ሞትለ ዝያድ ክሉ ለፈትዩ ሐማሁ ወለት አቡሁ ለዐሬት እቡ። እተ ወክድ ለህይ ሳልም ወድ ክልኤ ሰነት ምንመ ዐለ ልሰዕ ዲብ ዋብ እሙ ላተ ሰኒ ግርጉርቱ ለዐለ። ለምን አጽረዐት ሐ ልትገለል ለዐለ ሐሊብ ክምሰል ሐግለ ህዬ ለአዝም ምኑ ዐለ ዋብ እሙ እንዴ ዶለለ ክምሰል ግርዝ ወድ መልሀዲት ምን ሐዲስ ዋባይ አስተብደ። “ዬቦ እምከ ፍዛክ ትግበእ ሳልም ወልዬ ሚ እግል ትርከብ ምኑ። ዮም መጢቅ ወውጩር ወትቤ ዲኢኮን ዋብ ናጽፍ ሚ እግል ልንፈዐክ ደም ልባሰል” ዲብ ትብል ምነ ብካይ እግል ልእዘም እግል ልህመግ እቱ ሌጣተ ትለውሹ እግሉ ለዐለት።

ሳልም ለዋብ ሐቱ ክምሰል ኢረክብ እቱ ኣዜመ ምን ሐዲስ እብ ብካይ ዌቅ ዲብ ልብል እግል ክሉ ለአድሁይ ረብሸ። ሳኪን እኪትመ ተአክዩ ኢትምጸኦ ክምሰል ልትበህል ሳልም ለደፍኦት ጋብኦ እሉ ዐለ ዋብ ዋልዳይቱ ሌጠ እንዴ ኢገብኦ እብ ዐባዩ ላመ ምን

ርሕመ ለፈግረ ዋልዳይቱ ነፍሰ ሰበት ይአመመአተ ደቅቁ ለዐለ ቅርጡዋ እንዴ አትካረመት ዲበ ዐርቀይ እብ ሰምጠ ገብኦት። ክሉ ገርቦ ሱድፈት ሰበት ቀራጠጦዩ ህዬ አደሐ ምድር ድብለት ከሬት እተ። ሳልም ዲበ አፌት ኬን ወእንሰር ዲብ ልደራገግ ወዐፍሽ ዲብ ቀፋጭል ለሀምግ ወዶልመ እንዴ ዐርገ እግለ ዋቡ መለግግ ዐለ። እሙ ሳኪን ምን ወክድ ዲብ ወክድ ሕማመ ዲብ ልደቀብ ጌሰ ለአርበዕ አጃንያመ እንዴ ትከለለወ “ይመ ሚ ገብኦኪ?” ልቡለ እት ህለው። አርሄት እብ ኤማን ሳብት “ሕልባምዩ ሸር አለብዬ። ጌሶ ተለሀው” ትብሎም ወትቃሸሾም ዐለት።

ለለወክድ ለህይ ሰኒ ወክድ መክሩህቱ ለዐለ። ሐኑክ ሕሙም ለልትሐገል እቱ ወክድ። ዔደት ምን ረዩም ወቅሩብ ዲብ መጸኦ ህዬ እብ ሓለት አርሄት ትሻቀለው። በዲር ሕሙም እብ ሐሊብ ተዐድዱ ዮም ሳኪን ለጽጉብ ዐለ ሽፍር እምበል ጭገረት ምን ሐ ሰበት ተርፈ። ወዐጣል በዲሩ ናፍዕ ሰበት ይዐለ። አርሄትመ በክተ ኢሰነ። እትሊ ሕማመ ዲብ እንተ ወሕማመ ምን አምዕል ዲብ አምዕል ዲብ ልትኬለም እት ገይሰ ህዬ ዲብ ሳልሳይት አምዕል አምር ረቢህ ሰለመት። ለንኡሻይ ሕንቁቅ ሳልም ምሰለ ሰለሰ ሐዉ ምዕባዩ እት ፍድግ እንዴ ሐድገቶም አሰክ ቤት አማነ ትሳረሐት ምኖም።

መስኪናይ ዐሊ ለእብ ርትዕ ልትአመር ዐለ ሽፍሩ በዲር ለዐለት እሉ ጭገረት ትነገፈት ምኑ ወኣዜመ ምን ክሉ ለኣኬት ለእም አርበዕ ውሓዱ ላተ ሐማሁ አርሄት አሰክ ቤት አማነ ክምሰል ሳፈረት ምኑ ምድር ክምሰል እት አፍ ሾመት ጨበ እቱ። ለዌቅ ዲብ ልብል ስኮብ ከልኡ ለዐለ ሳልም ህዬ እግለ ሐቱ ዲብ ሽፍሩ ለዐለት ጠሊተት ዲብ ለዐሽንግ እሉ ወእግለ “እምነ ኣዩ ጌሰት?” ዲብ ልብሉ ጀሩሱ ለዐለው ምዕባይ ሳልም ላቶም ውሌዳሙ ዲብ ቃሽሽ ወለትሓሌ ለወክድ ሰኒ ትመክረህ እቱ። ዐሊ አክል አብ ወእም እንዴ ገብኦ ህዬ እግለ አጃንያሙ ለትትቀደሩ ዲብ ወዴ ህዬ ረቢ ኢተሐልፍ ኢመነ እኪት ወመራር ዲብ ለሓልፍ እግለ ረቢ ለወደዩ ሌጠ አሰበረ።

ለመክሩህ ሐን ናይለ መክረሀት

ሰነት እንዴ ሐልፈ ሐን ከረም ክምሰል አተ ላተ ለሰነት ዝያደት ራሽት ዲብ እንተ ኣቱት። ለጨብላይ ምድር እብ ሰርሰዐሮ ትበደለ ሳኪን ሰዐር እበይኑ ሚ ወዴ። አርድ ለሐርስ ለዐለ መርያት ሐቆ አለብኩ ወዲብ ሽፍር ለትትግለል ሐ ሐቆ ይአቅመትክ ሮረ ለዘት አለቡ። ለእምበል አትካራም ሽለክ ትብል ለኣክረመት ዝላም ህዬ እግል ክሉ ለምድር ምንመ ነወረት። እለ ሰነት እለ ሮረ እምበል ሰዐር ወቀጠፍ ሐርስ ወዘርኦ ላተ ይዐለ እቱ። ላመ ሐድ ሐርስ እብ ገረዊነት ወእብ አድግቱ ልትሐረስ ለዐለ። እብሊ ሰብብ እሊ ከረም ለኢተሐረስ ቀይም ክምሰል ኢልጃቀፍ ክሉ ሰብ ሮረ እግሩስ እቡ ለዐለ ሞዳይ ቱ። ዐሊ ምሰለ አጃንያሙ ዕንብልብል ዲብ ልብል ዶል ከምን ምሮ ቅርጡጠት ዲብ ረምቅ እሎም ክምሰል ውላድ ሰሬረት ለእለ ረክበ ዲብ አፎሆም ዲብ ከሬ እሉምቱ ሰድት ወመራር ለሓለፈ። እተ ሰነት ለሀ ለአጀኒት ለነኣይሽ ለልትበለልዕ ሰበት ሐግለው እግለ ሰዐረ ክዕት እንዴ ጨንገዐው ለበለዎ እቱ ወክድ መጽኦ። ለለአትፈክር ቱ አዳም ክምሰል ንዋይ ሰዐር ለበሌዕ እቱ አውካድ መጽኦ። ለርሐም ገቢል ሮራመ ለእለ ገሰረ ሴመ ይዐለት። ክሉ ለሀይ ከምን ለሀይ ለሐምቅ ሰበት ዐለ ምን እግል ምን ለሀይብ ወለትሄዴ ለትብል እቱ ወክድ ይዐለ። ግብኦ ዐሊ ሳኪን ዝያደት ክሉ ዐለት ሰፍሩይ አጀኒት እምበል ዋልዳይት።

ዐሊ ቀይም ክምሰል መጽኦ ጀላበ አጃንያሙ ዲብ ልብል ምንለ ትወለደ እቱ ሮረ ብሩድ ሽማሉ እግል አርበዕ ውሌዳሙ እንዴ ነሰኦ እግለ ዐለ እሉ አድጉ ዲብ ጌልል ምሰለ ዲብ ሐን ቀይም ምን ሮረ ሐባብ አሰክ ስሕል ወምኑመ ሕዱድ ሱዳን እንዴ ተዐሮረ ጋድም በወ ወፎጌ ዲብ ልብል አሰክ ቶከር ሃጀረ።

ለዲብ ፎቃዩ እንዴ ጸረዩ ልግዕዝ እቡ ለዐለ ዩቲም ሳልም ወልዱ ምን እሙ አቡሁ ለአምር። አቡሁ ዶል ህምቦኦ ዲብ ወድዩ ወዶልመ ዲብ ፎቃዩ ዲብ ሰንዱ ዶልዶል ህዬ ምሰለ ዲብ ቀሐት ሐመልሚል ጽዕንት ለዐለት ምዕባዩ ስተል ሕቱ ዲብ ልጽዕኑ ለምን ሮረ አሰክ ቶከር ገበይ ክልኤ ሳምን ርያም ገበይ እት ካትርቱ ከም ሓይል ማይል ወተዐብ ቶከር ለኣብጸሐዩ።

ሳልም ዝያደት ምነ ቀሐትለ አድግ ፎቃይ አቡሁ ፈቱ። እበ ለታት ንሴለዩ ምሰል አቡሁ ዲብ ዳግም። ወዶል ጀቡብ ብሩድ ምለዐለ ለአጅሮርግ እቱ ለሰፈር ልትአመሮም ይዐለ። ዐሊ ክምሰል እም ወኣብ እንዴ ገብኦቱ እግለ አጃንያሙ ለዓቤ ለዐለ። ለምን ክባዩት ኢለሐልፍ ዕሸናግ ለዐለ እግለ ጠሊቶም ህዬ ምንሕት ሳልም ዐለት።

ትተላሌ.....

ምዴርየት ሰልዐ ምን 16 ምዴርያት አቅሊም ጋሽ በርከ እት ገብእ ምን ለትፈናተ ደዋዬሕ እዳራት ትትከወን። ከዲብሊ ሐልፈ ወቅት ምን ክርን ገቢል ሙሰ መሐመድ አድም (ወድ መንደር) ለመንጠቀት እንዴ በጽሐ ምስል ምዴር ምዴርየት ሰልዐ አሰይድ ወኤለ መሐመድዐሊ ለወደየ መቃበለት እግል ንርኤ።



ሙዴር ምዴርየት ሰልዐ ዋላ ማሓመድ ዓሊ

ሰኣል ፡ ምዴርየት ሰልዐ ዲብ ከደማት እጅትማዕየት ሚ ትመሰል?

ወኤለ ፡ ምዴርየት ሰልዐ ዲብ ሰነት 1997 ለተአሰሰት እት ገብእ። ከደማት እጅትማዕየት እትለ ምዴርየት ረኤነ ምንገብእ። ምን ለተአሰሰት እቱ ወክድ አሰክ እሊ ሃድል እንረኤ ዲብ ህሊነ ብዙሕመ ምን ኢገብእ ሸበህ ከደማት እጅትማዕየት እብ ሕክሙት ተአሰሰ እተ ወክድመት ለህይብ ህለ እግል ልትበህል ቀድር።

እብ ተዕሊም ተሃን ምንገብእ ምን ሰነት 1997 አሰክ ሰነት 2007 ሰለሰ መድረሰት ዐለየ። ምን 2007 አሰክ 2014 ሰለሰ መድረሰት ዲብ 5 ትወቀለየ። ምን 2017 አሰክ 2022 ህይ 22 መአሰሰት ተዕሊም ትበዛየ እግል ልትበህል ቀድር። እሊ ህይ ምን ረውደት እንዴ አሰተብዴክ አሰክ ካልኣይ ደረጃት ለሸምል ቱ። እሊ እብ ተፋሲል ረኤናሁ ምንገብእ 14 መድረሰት መአንብታይት እት ገብእ። 3 ምግባይት ደረጃት። ወሐቱ ካልኣይት ደረጃት ህሌት እግል ልትበህል ቀድር። 4 ህይ ረውዳት ተን። እምበል እሊመ 7 ናይ ዐሬቡ መራክዝ ህለ። እብሊ ህይ ምስል ርሕብ ወሪም ወመትሸታት ናይለ ሸዐብ ዲብ ልትረኤ ሄራር ተዕሊም ደሐን ህለ እግል ኢበል እቀድር። ምን እለን ለተሀደገየ መዳርስ 7 እብ ገበይ ዋውርት ለትበነያ ተን። 7 ህይ ዲብ ረዋኪብ ዲብ ገብእ። ምን

4 ረውደት ለክልኤ እብ ዋውርት ገበይ ለትበነያ ተን።

ሰኣል - እብ ክሰሳ ቦርዲን አው መድረሰት ዳክልየት ብዙሕ ልትበህል ከዲብ እሊ ሚ ወትቤ?

ወኤለ፡ ቦርዲን ምዴርየት ሰልዐ ምህምተ፡ እሊ ህይ ምስል መካሪት ወሪም ምድር ናይለ ምዴርየት እንዴ ትረኣቱ። እብ ፍንቱይ ወቅት ድራሰት ለሐልፈቶም ደረሰ እብ ዐሬቡ እንዴ አንበተው ዲብ ካልኣይት ደረጃት አው ቦርዲን እግል ልኣተው ገብአው ምንገብእ እለ ናይ ቦርዲን መድረሰት እግል ተህሌ ድራሪ ገብአ። እሊ ህይ ለዲብ ዐርዮም ለኣቱ ሰለሰ ሰነት እንዴ ደርሰው ዲብ ምግባይት ደረጃት ለኣቱ፡ ወግራሁ እንዴ አተላለው፡ ዲብ ካልኣይት ደረጃት፡ እሊ ህይ ዲብ ወክድ ለቀዳም አሰክ አሰማዋ እንደኣም ዐል፡ ላኪን እሊመ ዲብ ደረሰ ክምስል ኢዋሰሎ በህለት አሰማዋ ምን ጌሰው ተርፈው ፎርቶ ምን ነድኣናሆም ተርፈው፡ እብሊ ሐል አሳሲ እግል ልግበእ ቡ ለልብል ፍክር እንዴ ትበገሳቱ እለ መድረሰት ዲብ እለ እግል ትግበእ ለትቀረር። እብ ፈድል እሊ ህይ ምን ቀደም እለ ለዐለ ሕዲነ አው ነቃሰ ደረሰ ለሐሰት ፍገራት ትትረከብ ህሌት። ዲብ መናበረትመ ረኤነ ምንገብእ እብ እዳረት ልግበእ ወሸዐብ ክምስልሁመ ዲብ ደዋዬሕ ለህለየ ውሕዳት ዴሽ ወእብ አቅሊም እግል ዐቦት እሊ ቦርዲን ሰዳይት ትገብእ ህሌት ወእሊ ለለኣትናይት ቱ።

ሰኣል፡ ገቢል ምዴርየት ሰልዐ ዲብ ክል አካን ሸቱትቱ ከእሊ ገቢል እሊ ከደማት እጅትማዕየት እግል ልርከብ ገብእ ምንገብእ። እግል ልትከምከም ቡ። ከዲብ እሊ ለትብሉ ምን ብዙ

ወኤለ፡ ሰኣል፡ ክመ እለ ቱልካተ። ዲብ እለ ምዴርየት ምስል ርሕብ ወመትፈንግር ሸዐብ ዲብ ትትረኤ እብ ሕክሙት ለገብእ ከደማት እጅትማዕየት ሕዱድ ወዲብ አካናት ሕዱድ ቱ ለህለ። ከእሰልፍ ሸዐብ

ምዴርየት ሰልዐ ወክደማት እጅትማዕየት

ምን እቱ ነብር ሲያብ ዲብ ሐቱ አካን እግል ትከምከም አው ትጅምቡ ገብአክ ምንገብእ አሰልፍ ለከደማት እጅትማዕየት እግል ልትወጀድ ብእቱ።

ምዴርየት ሰልዐ 9 ደዋዬሕ እዳራት ትከምከም፡ ምን እሊ ለአርበዕ ደዋዬሕ እግል ልጀመሪ ምሽክለት አለቡ፡ ለሐምሰ ደዋዬሕ ላኪን ምዲሸቱ ምስል ንዋይ ሰበት ትጸበዋ፡ ደለ ንዋይ ማይ ወሰዐር ረክብ እተ ለበለዉ አካናት ሰበት ሰብክ ወሳግም እብሊ ዲብ ሸዐብ ዲብ ልትሐረክ ለነብር እቱ ድዋራት ክምስል ከረ ዴብ ወሸርኢት ሰልሰለሰ መድረሰት ዋድያም ሕክ፡ እሊ ህይ ለሸዐብ ክመ ልትወጤ እግሉ ዲብ ዐግሎ ተዕሊም እግል ልትዐገል እንዴ ትበህላቱ። እሊ መዳርስ እሊ ህይ ምስል ሸዐብ ልግዕዝ ወለሐድር። ምን እሊ መናበረት ሸዐብ እንዴ ትበገሰነ ድራሳት እንዴ ገብእ እግል እሊ ሸዐብ እሊ ውጡይ ለትበህለ አካናት እግል ልትሐራ ወለሸዐብ እቱ እንዴ ሐድረ ምን



መርከዝ ዓፍየት ርከብ

ወሕኩመት ለትትቀደረ እግል ቱዴ ቱ ለበርናምጅ። ዲብ ከረ ሸርኢት፡ መርበባይብ ባድን ልጊቱ፡ ወዴብ ዲብ ናይ መሕደር ልጃን ዋድያም ህሌ። እሊ ልጃን እሊ ህይ ምስል ርዕዮ ንዋይ ወሐርስ ለልትሐራ አካናት እንዴ ሐረው ተቅሪም ቀድሞ ወሕኩመት እንዴ ረኤቱ ምን ለልጠለብ ትወዴ።

ብዕድ ምስል እሊ ለገይሰ ዲብ ምዴርየት ሰልዐ ሰለሰ ዕያደት ህለየ እለን ህይ ዲብ ጠሐረ፡ ሕሩም ወመርከዝል እዳረት ለብእተ ርከብ፡ ምን ረዩም አካናት ሕመም እትለን ዕያዳት እለን እግል ልምጸእ ሰዐብ ቱ። እግልሚ ለሸዐብ እምበለ ተዕሊም ወማይ እግል ልርከብ ዓፍየቱ እግል ልሳሬመ ሪም ምድር መሻክል ሰበት ከልቅ፡ ለመትከምከም ልትበህል ለህለ እሊ ክሉ እግል ልሳህል እንዴ ትበህላቱ።

ሰኣል፡ እትሳል ለከሰሰ ህይ ዲብ እለ ምዴርየት ሚ መሰል፡

ወኤለ፡ አማንቱ እምበል ርከብ ዲብ ብዕድ አካናት ይህለ። ርከብ ረኤኤነ ምንገብእ ሰቦ ቀርያት ብእቱ፡ እሊ ህይ ክመ ልትበህል እትሳል ምህምቱ። ዲብ ሕሩም ዲመ እሊ ናይ እትሳል ጠለብ ህለ እግሎም፡ ወሕናመ እብ ጀህትነ ለትከሰሰ ጀህት ንሰኣል ጸንሐነ ወህሌነ። ለረዩም መናዋቅ እብ ዶሉ ልትፈተሕ ገብእ፡ ወእንሸኣለ ገሌ ምን ምዴርየት ክምስል ከረ ሕሩም ወጠሕረ እትለ ሰነት ሐዳሰ ሐል ገብእ ለልብል ሰእየት ብዘ።

ሰኣል፡ መንበረት ለከሰሰ ሸዐብ ምዴርየት ሰልዐ ለምዴርየት መጽምእ ሰበት ተ ምዴሸተ ሸዐብ ሚ ትመልስ?

ወኤለ ፡ እሊ ትብሉ ለህሌክ ምስል መትከምከም አው ተጀሚዕ ሸዐብ ለገይሰቱ ክምስል አሰልፍ ለእምቤለ ሸዐብ እለ ምዴርየት መንበረቱ ምስል ንዋይ እት ሰብክ ወሰግም ለትትንክብ ተ። እት ሐርስ አው ብዕድ ሳብተት መንበረት እግል ልትዐዴ ገብእ ምንገብእ፡ ላመ ሸዐብ እት ሳብት ድጌ አው ሳብት ድዋራት እግል ልትከምከም ቡ። ከለመትከምከም እግል ናሱ ምስል እሊ ለልጸበዋ ቱ። ሸዐብ እት ክሉ መጃላት እት ማይ፡ ዓፍየት፡ ተዕሊም ወለመሰሉ እግል ልርከብ ወወራታት ሐርስ እግል ልሳይር ገብእ ምንገብእ አሰልፍ ዲብ እግሉ ትትወጤ አካን እግል ልጀመሪ ህለ እግሉ። እሊ

እግል ልግበእ ወሸዐብ ምዴርየት ሰልዐ ዲብ ዐቦት እግል ልሄርር እብ ጀህት ሕክሙት ድራሳት ገብእ ህለ። እብሊ ህይ ዲብ ጠህረ ወባድን ዲብ ብዙሕ አካናት ውሳረት ሐርስ እንዴ መጽአው ለረኣው አካናት ህለ።

ሰኣል፡ ዶር ናይለ እትለ ለህለ ውሕዳት ዴሽ ዲብ ተጠውር እሊ ሸዐብ እሊ እብ ከኣፎ ትሸረሕ?

ወኤለ፡ ክመ እለ ትቤ ዲብ እለ ዴሽ ልግበእ ውበዕድ መአሰሳት ሕክሙት ህለ። እትሊ ህይ ለህይ ልግበእ ወለህይ ሕድ ዲብ ሰንድ ወዲብ ሰዴቱ ለሄራር ዐቦት ገጽ ቀደም ለአሴርር። ዲብ እሊ ህይ ሕክሙት እብ ዐቢህ ወእሊ ልትበህል ለህለ አጅህዘት እብ ፍንቱይ እሊ ዲብ ክል አካን ሸቱት ለህለ ሸዐብ እግል ልሕደር ወልጠወር ዎሮ ከእብ ጀህቱ ዲብ ልጸገም ጸንሐቱ። እግል መሰል ዲብ ሸቅየት አግቡይ ውብዓት መዳርስ ክምስልሁመ ውሳረት ተዕሊም እግል ናሰ ዲብ ተሕረ እምተሓን ጀነራል ክምስል ገብእ ወሕሊል ዐንሰበ ክምስል ክርዳነ እብ ሄሊትተር እንዴ ጊሰናሆምቱ እምተሓን ለወዴነ። እሊ እግል ናሱ ሕክሙት ዲብ ዐቦት ሸዐብ ለትወድዩ ጸገምቱ።

እብ ፍንቱ ዴሽ ሸዐቢ ወመራቀብት ሕዱድ ዲብ አርሀየት መሻክል ናይ ሸዐብ ለወዱዉ ቀሊል ወእብ ቀሎ ቀሎ ለልትረኤ ኢትን። ዲብ ሸቅየት መዳርስ ወአግቡይ ሌጠ እንዴ ኢገብእ ዲብ ኣብጸሐት ሐማይም ወመሳሪፍ ሙደርሲን ክምስልሁመ ዲብ ክታበት ወለመሰሉ እንዴ ኢተርፍ እብ መካይያም ልትዓወኖ ምስልነ ህለው። እብሊ ክሉ ሸዐብ ልግበእ ወአጅህዘት ሕክሙት ወዴሽ ክሉ ምስልቱ ዲብ እሊ እግል ገቢል እለ ምዴርየት ለከሰሰ ወራታት ለልትፈረር።

ሰኣል፡ መሻረከት ሸዐብ ዲብ ዐማር እብ ከኣፎ ልትሸረሕ?

ወኤለ፡ መሻረከት ሸዐብ ምን በዲር ለዐለየ ለሐሰት ህሌት እግል ኒበል እንቀድር፡ እሊ ህይ ሸዐብ ገበይ ሸቀ፡ መድረሰት በዘ፡ ዓላ ሐፍረ፡ ለሸዐብ ምን ኢለዓውነ እሊ ክሉ ወኢትበጸሐ።

እብሊ መናሰበት ዲብ ደንጎበ ለእብሊ ሕክሙት እብ አውለውያት ትገይሱ፡ ላመ ሸዐብ ለልትሀየቡ አውለውያት እት ወግም እንዴ አተ፡ እምበል መሻረከቱ ዲብ ክሉ መጃላት ዐቦት ውተጠውር እግል ልምጸእ ሰበት ኢቀድር፡ ክሉ ዎሮ ከደለ እበ ቡ ዲብ ልትሀየቡ በርናምጅ ዐማር ወመሕደር እግል ልሻርክ እትፋኤ።



መድረሰት ርከብ



ክልሉት፡ ልቦም ዎሮ፡ ጠዕም ዐውቴ ለአዳውሮ

1^ይ ክፋል

እት አቅሊም ጋሽብርክ ምዴርየት ሰልዐ እት ርኩብ ለትብህል ሽብህ መዲነት ትነብር ሀሌት ዓይለት መሐመድ እብራሂም ወድ ሹም ሐሊብ። መሐመድ እብራሂም ኦብ ክልሉት ዕያል ተ። ለቤት ዐባይተ ዲብ ርኩብ ትነብር ለሀሌት። እለ ዓይለት እለ እት አት ምግብ ጽልመት በርሀት እንዴት ሓዩት ብዝሓም አስክ ለበርሀት እግል ልምጽኡ ትጸገም ለሀሌት ዓይለት ተ። ክምለ እለ ነአምር ለገብአ ኤረትርያይ ደረጃት መአንብታይት ናይ ተዕሊም እግል ለአትምም ምን

እብራሂም ወድሹም ሐሊብ ላኪን ፍንቲ ለቤል መትሰባል ለአርኤት ዓይለት ተ። ጀህል ክም ጽልመት ወዕልም ክም ኖር ወሰፍናህ ምንገባ ለዓይለት ኖረ እንዴት ኦብረሀት ምግብ ለጽልመት ተጭረርሕ ሀሌት። እለ በርሀት ብዝሓም እንዴት መጽአወ ለባነት እብ ዕልም እግል ልትነወር ሀሌት ሰእየት ትገብእ። ከፎቱ አእለ ዓይለት እለ እብ ኖር ለትወሰፊት ትብሎ ተሀሎ። ሳሕፊ መብ መሐመድ አደም ወድ መንደር እት መስከበ እንዴት ጌሰ አመሕበረ ምስለ ወእት ተዕሊም ዓይለት ሚ አውቄት ተጃርበ ሸርሐት እሎ።

ከእብ ኦብ ለዕያል መሐመድ እብራሂም እግል ነአንብት። ህቲ

ሽዕብየት ሀደፍ ሐቂቂ ለቡ ወቀደም ለለገይሰ መምራሕ እቡ ማጸትነ ዐለት ሀሌት ልብል። እት ቀበት ሰለሰ ሰነት እንዴት አፍዘወህ ርሕነ እንዴት ጠወርነ እብ ደረጃት ከዋድር ለለሸቁነ ዕልም እንዴት ሀበወነ ለግራነ ሀለ ሽዕብ እብ ሰኔት እግል ንምረሕ ለተቀድረነ ደረጃት ዲበ ኦብጸሐወነ። ለወክድ ለሀይ እብ ደረጃት መስኦልየት እት ቅያደት ምሊሽ ወአስክ ዲብ መጅልሰ አቅሊም ሸቂ ዲቡ ለዐለ አውካድ ሃዲ ምንመ ዐለ ዋልድ ለይዐለ ሻብ ነብረ። ለሀደፍ ጀብሀት ሽዕብየት እግል ሐቅ ተቅሪር መሲር ሽዕብ ኤረትርየ ወእግል ዐቦት ወተጠውር አዳመ ለትሸቂ ክምተ አጊድድ እብ ክሉ ልቡ ፈሀመዩ ወትከብተዩ። እምበል ተዕሊም ለትለትረከብ ዐቦት ወመትቀዳም ክም ኢሀሌት ሰበት አምነ ሀሌት ክል ዋልዳይ አጀኒቱ እት ተዕሊም እግል ለትባገስ እብ ክለ ሐሊቱ ሸቂ። ሐሬ ምንመ የአተላለ አስክ እት ጠሕረ ቦርዲን እግል ልትከፈት እበ ወደዩ ጅሀድ እግል ልትአንበት ቃድር ዐለ። እግል መስልሐቱ ወሰኒ ሙስተቅበል ወጠኑ ሽዕብ አጀኒቱ እግል ለዐልም ወድዮ ለዐለ ጨቅዋ ለሽዕብ ልትረአሕ እሉ ሰበት የዐለ “ወድ ለግራድ ወድ ሹም ሐሊብ። ህቲ ምን ኢወልዳቱ ለአጀኒትነ እት ተዕሊም ልትካረፎ ለሀለ” ልብሎ ዐለ። ህቲ ሀሌት ያረት ዮም ውላድ ወረከብኩ እት ተዕሊም እግል አትዮ ልብል ዐለ። ወለትምኔቱ ምዕለ እንዴት ዐቅበት መጽአት። እት ሰነት 1987 አምነ ለሰመየ ወለት ትበከረ። ደአም ዲብ ሐቱ አካነ እንዴት ሐድረው መንበረቶም እግል ሊደው ለቱልል ኢሰድ። ዶል ሀበር። ዶል ማርየ ወዶል አዶብሕ እት ልትናከሶ ሰውረት እት የመመቶም ዳይ ልትፈረር ዐለው። ሰነት 1994 አምነ ወለቱ መድረሰት እት ድራት አንበተት። ግራሃመ ሰለሰ ውሉዳም ዐለው



መስኦለት ኣ/አንሳት ምዴርየት ሰልዐ ፋጥማ ሲዒድ ዳወድ

ለምንኣሻ - አድም- ነአሽ ትብህለ ከምስለ የአተ። ሐቅ ክልኤ ሰነት 1996 ሀበር አቅበለት ለዓይለት። መርከዝ ሀሌት አፍዐበት ዐለ። ሀበር ክም ሐድረት አምነ ወአደም ምስል አተው። እዜመ እት ሰነት 1996 ሰልዐ ክም ምዴርየት ክም ትከውነት መሐመድ እብራሂም እት ማርስ 1998 ዲብ መክተብ ጀብሀት ሽዕብየት እግል ዲሞቅራቲየት ወዕዳለት ናይለ ምዴርየት ትዩመመ። ዕያሉ ሀሌት ምን ሀበር እት አስነደ አግዐዘዩ ወአጀኒቱ እት ቦርዲን አሰማዋ አተዩ። ርኩብ አስክ ሓምሳይ ፈሰል ክም ትፈተሐ እት ሀሌት አጀኒቱ ገሁ እንዴት ከምተተዩ ለምን ሓምሳይ ለልሐልፎ አስክ አሰማዋ እት ለልሐልፎ ምህርሆም ክም ለአተላሎ ወደ። ውላድ ቤት ዐባይ ሐምስ ወለት ወሰለሰ ሕጻን ቶም። ክሎም ሀሌት እት ምህር አተዮም። አዋልዱ ለብክሩ - አምነ ነርስ ሀሌት እት ርኩብ ክምስልሁመ እት መሕበር ወጠን አዋልድ አንሳት ኤረትርየ ነፈር መጅልሰ መርከዚ ተ። ክልኤ ሀሌት መዕልማት ገአየ ወምር ወልዶም እት ሸርከት ተዕዲን ዘረ መካኒክ ቱ ወእት እዳረት መዲነትመ ይማመ ብእቱ ወብዕዳምመ እት ኬር ሀለው ለትደሀረ ታሰዓይ ፈሰል ባጽሕ ሀለ። እት ቅምየት አዋልድ አድረሰት ልሙድ ሰበት ኢኮን ኦብ አምነ ብዙሕ ትብህለ ወተሐመ ላኪን መቅጠን ወደ እሉ ከለእቱ ለአምን መብደእ እንዴት ሰብተ ዕያሉ ዐለመ። ዲብ ዓይለትነ ኡሚ/ቅዌት ለይአብደ ኢሀለ ልብል እብ ሐበን።

ለተዐዳቱ “እንዴት ወድቀ ተዐወት ለኢቤለወ ኢልትሰጀዕ” እት ትብል ኦብ ዕያሉ ተሐምድ። ውላዳመ ክመ ዐሸመ እት መርሐለት ምን በጽሐው ከከብደ ምን አብረደው ሐመደቶም።

መሐመድ እብራሂም ለሽዕብ (ብዳውየት) ኢኮን አዋልድ እግል ለዐልም እግል ውላድመ ሚዶል ለዐቤ ከቤቱ ባክዬ እነድቀ ወሚዶል ለዐሬ እዩ ከዲብ ንዋይ ልትባገስ ምን ኢገብእ ሚ ዶል እንዴት ደርሰ ልትከረጅ እዩ ወአካን ጸብዋ ኢልብሎ። ክም ቤለ ውላድ እንዴት ረክበ ከክመ ካድር ጀብሀት ሽዕብየት እንዴት ገአ እት ሽዕብ እግል ልርአየ ለሐዜ ለዐለ ፍንጌ ውላዱ ወአዋልዱ እንዴት ኢፋርግ መሰል ሰኔት ገብእ ትገብእ ዐለ ሐላማቱ ወእለ ሀሌት ረክበዩ።

ሐመድ እብራሂም እብ ሽቅል ሰውረት ወሕኩመት ምን ዕያሉ እንዴት አሬመ እት ለትፈናተ ምዴርያት ወአቃሊም ምንመ ሸቂ ግራሁ ሳክበት ተ። እም ዕያሉ እት ተርብየት ውላደ ሰኒ ትርድት ተ። ህቲ ዲብ ወሰፊ አካነ ደብአ ክም አለቡቱ ለለአምን። እት ገቢል ብዳዌት እናሰ ትወቀለ ምንገብእ ገመል ወከርጅ ዐቢ ነሰእ ወቅድወት ለአመጽኤ ወዶል ዐድ አቱ እት ሸፈት(መክበት ጋሽ ናይ ሰብ) እት ገብእ ወለሰተርሕ። ለእሲት ላኪን ዕጩ ተአሬ። ማይ ትወርድ። ንዋይ ትራቅብ። ጅነ ተዓቢ . . . እግል ለዓይለት ትንፋሳተ። ከእም አምናመ ክምስልሃተ። ለንዬትፍ ወትምኔፍ ህተ ምን ኢትከድም እት እት አካነ ወኢበጽሐት። ዓሰ ዲብ በሐር ከሬካሁ ምንገብእ ልትወሐዋ ኢልትረኤ። ህታመ እት ከብድ ለሙጅተመዕ ሰበት ዐለት እት መውቀፈ ምን ኢትሰብት ወትወሐጠት። ህተ ላኪን እዩመ ኢገንሐት ዲበ ለመስኦልየት እንዴት ካፈሐት እብ ኤማን ወአማነት ተዐዳቱ። ዶል ሀበር። ዶል አዶብሐ። ዶል ሰልዐ። እት ልትናከሶ። ምስሉ ሙናድል እዳሁ ለኢትመልእ እሉ ኬድማይ ሽዕብ ምንገብእ መሕገዝ እቅትሳድ እት ትዋጅሆም ጥዕም ወመራር ምስል እንዴት ዋጅህወ እለ መርሐለት ምን በጽሐው ለሰርገሎም ምን ናሶም እንዴት ሐልፈ እግል ሽዕብ ብዳውየት መሰል ሰኒ ጋብአም ክም ሀለው ሸርሐ አሰይድ መሐመድ እብራሂም ሹም ሐሊብ።



ዋጅቡቱ። ክሉ በክት ተዕሊም እግል ልርኩብ ሀሌት እበ ቅድረት ትሰመሐ እት መዳርስ ልትአመር እቱ ለኢነብረ ደዋሒ መዳርስ እንዴት ትፈተሐ አጀኒት እት ዋጅብ ዕምሩ እግል ለአንብት ሕኩመት ምስል ሽዐበ እት ትሳዴ እት ሸቅል ሀሌት። ምናተ መንፈሀት ተዕሊም እብ የአመርት ልግበእ መ ሓለት መንበረት ምን ኢሰዴት ገሌ ደዋሒ ለሀለ በክት ተዕሊም ልትነፈሶ ምኑ ኢሀለ። እብ ብዝሐ ብዳዌት ለነቡር ባነት መሻረከት ሽዕብ እት ተዕሊም እብ ዓመት ግድዕት እት ትገብእ አዋልድ እግል ልትዐለመ ክም በን እንዴት አመረ እት መዳርስ ለሳርሕ ዋልዳይ ምን ቃልሰ ቱ ለልትረከብ። ዓይለት መሐመድ

በዲር እት ጀብሀት ተሕሪር ወሐርመ እት ጀብሀት ሽዕብየት ጀለ ተሕሪር ወጠን ለናደለ ምሕርባይቱ። እት ቅምየት ሕዳርብ/ብዳውየት ሕደግ ለአዋልድ ላመ ውላድ እት መድረሰት እንዴት ትገብው ናይ መትዐላም ሰቃፊት ኢጸንሐት እሎም” ልብል። ህቲ እበ ደግመየ ለምድር ሐንቱ ጀብሀት ተሕሪር ዲብ እንቱ መዳርስ ልግበእ ውበዕድ ለትከፈተ ባባት ተዕሊም የዐለ እቱ። ሐቅ ጀብሀት ሽዕብየት መጽት እት 1981 እት ይማም ሰውረት ክም ለጅነቲ እንዴት አንበተ እት 1982 እት መጅልሰ ሽዕብ ናይ መንጠቀት ጠሕረ መቃዋብ ለልትብህል ድዋር ዐሰር ወካልእ ረአሱ(12) አቱ ዐለ። ጀብሀት



“ሐርስ ገርሰት ሐያትን እግል ንምራሕ አቅደፊ”

የደብዳቤ ቁጥር 16^{ይኛው} ሰነድ ቀን 01 ነሐሴ 2023 ዓ.ም. 04 ጥቅምት 2023 ገጽ 7

ሸባብ

ነጃት ዐብማን



ሀደፍን አስክ አየ?

መቅደረት ሙጅተመዕ፡ እት በቃዐት ሻባብ ተ ለተአተንክብ። እት ሐለት ወበቃዐት ሻባብ ተ ለአተንክብት እንብል ዲብ ህሌነ ኩሉ ለጸር ዲብ መሸንገል ሸባብ ክምቱ ዋድሐት እግል ትግበእ ለበ ጋራት ተ። ፋዜዕ ወብቆዕ ሻብ ለአለቡ ምጅተመዕ፡ እት ተጠውር እንዴ ኢበጼሕ ፍንጌ-ፍንጌ ክም ተርፍ፡ ተጃርብ ለልክክደ ሐቂቀት ተ። ሻብ ዲብ ለገአ መጃል፡ ምን ሚርሒት ሐያቱ ወለዐል፡ ናይ ምጅተመዕ ወወጠን ዝያድ መስኡልየት ራፌዕ ተ።

ሸባን ኤረትርዮ፡ ላኪን እለ አማን እለ እግል ለአክዶ ዲብ ትሩድ ወሳብት መብዓእ ሐዲስ ናይ መስኡልየት እብ በቃዐት ወመቅደረት እት ሻርኩ፡ ሸባብን ዲብ እዲን ሀለዮትን ለአክደ፡ አሳስ ብናእ ወተዐሚር ለአክሬ፡ ወእብ ናይን ጅህድ ወእፍካር ዲብ አሮት እንዴ ኢነሐዜ ርሕነ ክም እንቀድር ለወዲን ተ። እሊ ህዩ፡ ዲብ ክል መጃል ዱሉያም ወዲብ መጣፍርን ሳብታም ክም ሕነ ዝያድ ምህርትን አስደዲነ ወሀደፍን አብጸሐኩ። ሀደፍ ምጅተመዕ ወሕኩመት ክምለ ክል ኢነት ልትሸራሕ ዐለ ወሀለ እሙር ወባይን ተ። እብ ሐጨር እግል ንሸርሐ፡

1) ዲብ ረአስ አምን ወሰላም ወጠን ለሀለ አፍካር ሰኒ አተረዶት፡ ዝያድ እግል ለአተላላ፡ እሊ በህለት ክሉ እብ እማንት ልትሸቂ ወልትከደም ለሀለ እብ ሸባባትን ትሩድ ወሳብት መጣፍር ለቡ ሀደፍ ክም ተ ወእግል ለአተላላ፡

2) በራምጅ ዐማር አደቀቦት ወደረጃት መናበረት ሸዐብ እብ ወቅት ወቅቱ አስነዮት ወአደቀቦት ዲቡ እግል ልትከደም

እሊ ሀደፍ እሊ እግል ዐውቶት ሸባብ ኤረትርዮ፡ ተጠውራት እት ወቅቱ ዲብ እንታቤዕ፡ እግል ኩሉ ለመጽእ እኩይ ወሰኒ ዱሉያም እግል ንግበእ ሕርያን እንዴ ኢገበእ ዋጅብናቱ። ለወቅትለ መትዳላይ፡ አሳስ ሀለዮትን ወአተላላይና ተ። እግል እለ ረኩብን ሰላም እንዴ ኢንትፈገዕ ኩሉ መዳሊትን እብ ደሚርኩ፡ እብ ተማመን ገርብኩ፡ እብ ምህነትኩ እብ ፊራሮ ዐማር፡ ዲብ ደማን ነብረ ሻረኮት ወአድመኖት፡ እት መዳፈዐት ቅብላት ሸባብ ኤረትርዮ ወሸዕበ ለገብእ ዋይዲባት፡ እሊ በህለት እግል ቅብላትን እንዴ ገአው ድድ ሰላምን ወመስኩብትን ለዕንዱቃም ወእግል ለሐምርን ለአማም ዲብ ቅብላቶም ውሕደትን አደቀብን ወመቅረት አዳምን ዲብ መጃል ዐስከርየት አተረድኩ። ሸባብ ኤረትርዮ፡ እግል እለ አማን እላቱ

ለዐቤት ምህመት ወመስኡልየት እንዴ ሀባ፡ ፈዛዐት መትዛመ- እንዴ ታብዐ እግል ልደቀብ ዲብ ክል መጃል ከገለዱ ለሐድሰ ሀለ። ሀደፍ ሕኩመት ኤረትርዮ፡ እብ ተዕሊም ወተክኖሎጂ ዲብለ ትወቀለት ደረጃት እግል ትብጸሕ ተ። ተጠውር ወተክኖሎጂ ህዩ እብ ሚ ክም መጽእ ኩሉ ለአምረ። እብ ተዕሊም ለትብን መዋጥን ሌጠ ለአትሐዝዩ። ከእለ ገአት ምን ገብእ፡ ዶርን ዲብ መጃል ተዕሊም ምን ነኡተርድ ለትትበጸሕ አካን ክም እንበጸሕ ሸክ ለአለባተ። ሀደፍ መሕበር ወጠን ሸባብ ወደረሰ ኤረትርዮ ህዩ ብቆዕ ሻብ እግል አፍረዮት ለልብል ተ። እብ ሐሚር ገበይ፡ ብቆዕ ወፋዝዕ ሻብ ህዩ ምን ዕልም ቅያስ ከፍዮ ለጸግበ ሻብ ሌጣቱ።

ሐቆ እሊቱ ለዲብ ብዕድ ምህናት እግል ልሕለፍ ለቀድር እንዴ ኢኮን፡ ምን መድረሰት አካዳምየት እንዴ ኢረዌ ወለ ሐቱ እግል ልብጸሕ ኢቀድር። አሮት ሻብ እንዴ ደርሰ ወተዐለማቱ ለተዋልል ሓለት አርዛቅ ዐዱ ዲብ ሚ ሓለት ክም ሀለ ለደሌ ወለአምር። ከዐድነ ኤረትርዮ ዲብ ክል ፈርደተ ለትፈናተ አጅናስ መዓድን ቤ። እንዴ ተዐለምን ለሀለ እግልን አርዛቅ ኖሰን ሐቆ ይሐንፈልናሁ፡ ውላድ ጋነ ምን ብዕድ ድወል እግል ልሸበውነ ቀድር። ሐቱ መሰል እግል ሀበኩም፡ ዓኢለት ሐቱ እግል ጄራን እብ ብዕደት ሰዳይት ወመዓወነት ተ ለትትዓመል ምስለ ዲብ ኢኮን፡ ዲብ ግራዮ ውሸቅተ ለህሌት ዝሕረተ ዲብ እንዴ ሓልፈተ ለመስጢር እግል ተአፍህመ ኢትፈቱ። ከሕናመ መስጢር ወርዝቅ እለ ቃልየት እብ ሸዕበ ወአርዛቅ ዐድኩ ርዝቀ ወአክያረ ኖሰን እግል ነሐንፍሉ ሐለትን ዲብ ተዐሊም ወበቃዐቱ ለአተንክብት እግል ኒደየ ለአስትህል።

እሊ ዐቢ ወትሩድ ሀደፍ ወጠን ወምጅተመዕ ክምቱ ህዩ ተአከደ እግል። ሕኩመትን ምን እሊ ዲብ ለዐል ለእንቤሉ እስባታት እንዴ ትበገሰት ተ ‘ለተዐሊም እግል ክሉ’ እንዴ ትቤ ዲብ ክሉ አርካን ወጠን አስክ ዲብ ረዩም ብሩር መጃል ተዐሊም እንዴ መደት ከድም ለህሌት። ከሕነ ክም አጅያል መስተቅበል ሀደፍን አስክ አየ ክምቱ ምን ሰልፍን ፈረገት ለአትሐዜነ። ዲብ ተዕሊም ለሀለ እግልን ረአይ ድቁብ ወዲብ አካን ለእንበጸሕ እቡ እግል ንግበእ ህሌት እግል።

ዴማት፡ ለትፈናተ ክቱብ መሕበር

“ሸባብ ታክያት ወጠንቱ” መስኡል ሸባብ ምዴርየት ሰልዐ

ሱሕፊ ሙስ መንደር ዲብ ግርበትለ ሐልፈት ሰነት 2022 ምዴርየት ሰልዐ እንዴ በጽሐ ምስል መስኡል መሕበር ወጠን ሸባብ ወደረሰ ኤረትርዮ ዲብ ምዴርየት፡ ሻብ ሁመድ መሐመድዐሊ ለወደየ መቃብለት እግል ንርኡ ከአሰልፍ ዶር ወወቀይ ሸባባት ምዴርየት ሰልዐ ሚ መሰል እተ ልብል ሰኣል ዲብ በልሰ ክእነ ልብል።

ወቀይ መሕበር ሸባብ ምዴርየት ሰልዐ አሰልፍ ነዘሞት ተ። መትዛዝም ይህለ ምንገብእ ወሸባብ ሕድ ሐቆ ኢጸብጠው አካን ልብጸሐ ሰብት ኢቀድር፡ አሰልፍ መትዛዝም። ምን እሊ እንዴ ትበገሰው ህዩ አግደ ወቀይ ናይለ መሕበር እብ አሳሰለ እብ ደረጃት ደውለት ለፈግር በርናምጅ ዝያደት ዲብ መዳርስ ለረክዝቱ። እግልሚ መዳርስ ለትከምከመ ሸባብ ሰበት ብእቱ። እብሊ ህዩ ቀይሒት ዕንቦባ ሕመረት ፊተውራሪ ወለመሰሉ ዲብ ልትበህል ልትነዘም።

ሐቆ እሊ አትፋዘዎት በህለት ታሪክ ወጠን ማሌ ልግበእ ወዮም ዶር ሸባብ በዲር ወአዜ ወግረ እለ ለብል ውበዕድ ለረከዝ ተውዕያት ወአትፋዘዎት ልትህየብ። ሸባብ ምን ንእሹ እብ ምህር ስያሰት ወፈህም ወጠን ደዐበ ወኢትረበ ምንገብእ ህዩ ዲብ ክድመት ወጠን ወዐቦት ወጠን ዶር እግል ለህሌ እሉ ሰበት ኢቀድር፡ ለማሌ ሐልፈው ሸባብ ዲብለ መሪር ወቅት እግል ወጠኖም ሚ አግደው ወእብ ከኦፎ ልጸገሞ ዐለው ክሉ እሊ ናይ ዮም ሸባብ እግል ልፍህሙ ሰበት ለአስትህል ሸባብ ምዴርየት ሰልዐ እትሊ እንዴ ረከዘው ክምስል ሸቂ ሻብ ሁመድ ወዴሕ።

እንዴ አትለ መስኡል ሸባብ ምዴርየት ሰልዐ ሻብ ሁመድ ሸባብ እምበለ ዲብ መትዛዝም ወፈዛዐት ለገምቱ ወቀይ ዲብ ተዕሊም ለለህሌ እሉም ዶር እግል ልትወቀል ወሊዚድ ሳብድ ሰበት ተ። እትሊ መጃል እሊ አትፋዘዎት ገብእ እሉም። እግልሚ ተዕሊም ወፈህም ካፊ ለአለቡ ሻብ ወጠን እግል ልብኔ ወልምረሕ ሰበት ኢቀድር። እብሊ ለተሸኪል ናይለ ሸባብ ዲብ ክልኤ ፋዩሕ ወጨቢብ መትዛዝም እንዴ ትበህለ ለሸባብ ሰርም ዲብ መዳርስ ሰርም ዲብ ጃሽ ወዲብ መአሳሳት



ሕኩመት ወሰርምመ በረ ምን መዳርስ ወምን አሽቃል ሕኩመት ምንመ ህለው፡ እግል እሉም ክሉም አግቡይ ነዘሞት እንዴ ገብኤ፡ እብ መደርሲን፡ እብ መወዘፊን ወእብ መስኡሊን እዳራት ደዋዩሕ ዲብ ረበዮቶም ወነዘሞቶም ዶር ዐቢ ገብኤ። ወእብሊ ክል ሸባብ ዲብ እለ ህለ አካን እንዴ ጊሰካሁ ህቱ ለቀንጽ እቡ መሃም ተአፍህሙ ወዲብለ መሕበር ክምስል ልትዝም ትወድዩ።

መሕበር ሸባብ ሰልዐ እበ ትትቀደሩ ክምስል ክሉ ምዴርያት ለሸባብ እግል ምስተቀበሉም እግል ለአስተፊዶ ምኑ ለቀድሮ ምህናት ሐድ ማል እንዴ ደፍዐው፡ ክምስል ከረ ምህር ኮምዮተር፡ ድራውሊኩ፡ ተኪል ድሽ ወበርመጀት አወላይ ራድኢት ወለመሰሉ ደርሶ። ብዕድ ዲብ ሰዳይት ኖሰኖሶምመ ዐቢ ዶር ህለ እሉም። ለተሐገዘው ለዓውኖ፡ ዓይላት ሹህደ ሰዱ፡ ዲብ ወራታት ዐማር እበትወቀለት ሻርኩ፡ እሊቱ ህዩ ሻብ ናጅሕ ወእግል ምስተቀበል ዐዱ ለከድም ምዋጥን ለልትብኔ። ከሻብ አሳስ ናይ ክሉ ክምስልቱ ሻብ ሁመድ ሸራሕ።

ሻብ ህሙድ ዲብ ሸባብ ወራታት ፈን ናይለ ምዴርየት ዲብ ልትሃጌ፡ ሸባብ ምዴርየት ሰልዐ ዲብ ወራታት ፈንመ ለትትቀደሩ ወዴ። ፈን ዎር

ምን አሳስ ዐቦት ወአትፋዘዎት ሰበት፡ ዲብ ህዩ እብ ሙሲቀት ሕላይ ወአናሺድ፡ አምር ክቱብ ወአሸግር ምህምቱ። ዲብ እሊ ህዩ ለትቀድሩ ትወዴ። ሰሩ ህዩ እሊ መሕበር ምኑ ለነቅሰ አሸየ ብዙሕቱ። እግል መሰል ዕደት ሙሲቀት አለቡ። ፈን ህዩ ክሉም ምን ኢገብኤ፡ ሰሩ ምስል ሙሲቀት ለልጸበሞ ተ። እትሊ ህዩ ዶር እዳረት ምዴርየት ክምስልሁመ ፈሬዕ መሕበር አቅሊም እግል ዐቦት እሊ መሕበር ዶርም ቀድሞ። ከእሊ እግል ልትወጀድ እብ ጀህት መሕበር ጸገም ወጅህድ ገብኤ፡ ለልጸገም ህዩ ዲብ ደንጎበ ሰበት ልትወዕት ለሄራር ወለ ንዳል ናይ ሸባብ እግል ልተላላ ተ።

ዲብ ደንጎበ ሸባብ ፋዝዕ ወዕሉም ታክያት ዐቦት ናይ ክል መጅተመዕ ሰበት ተ። ሸባብ ሰልዐ እበ ትትቀደሩ ዲብ አፍዘዎት ወነዘሞት ሸባብ ልጸገም ህለ። ሰበት እሊ ሸባብ ታክያት ወጠን ሰበት ገብኤ እለ መስኡልየት ዐባይ እንዴ አመረ ዲብ ብነ ወዐማር ወጠን ዶሩ እግል ለአግዴ ወምስተቅበል ዐዱ ዲብ ዐቦት ወመትቀዳም እግል ልዋሌ ገብኤ ምንገብእ ሸባብ እግል ልትዐለም ወልድረሰ ወለፈናተ ምህናት እግል ልክሰብ ብእቱ።” ልብል መስኡል መሕበር ሸባብ ምዴርየት ሰልዐ ሻብ ሁመድ መሐመድዐሊ።

ጌማም

እት ክል ሰነት ሐዳሴ፡ እግል ጌማም ወራታትን ለሰዲን ኤታን ነኡፈግር። ከእሊ ተሌ ገሌ ንቀጥ እት ጌማም ለሰዲን እብ ቀደም ትሌ ተ።

1. ወቅትን እብ ዋጅብ ንትነፈዕ እብ፡ ወለ ሐቱ ደቂቀት ግምሽ ኢትብዴ
2. እት ሻፍገት ዐቦት ለዋሌን አግቡይ ተጠውር ክም እንረክብ ንባሰር
3. ዲብ እሉ እንሸቂ ሸቅል ሚ ንቁሳት ክም ህለ፡ ምስል አምራም ንትጋሜ
4. ለልትህየብን አሽቃል ለንትቀየም እቡ ሰበት ተ። መስኡልየቱ ንትከበት ከንሸቀዩ
5. እተ ህሌነ ዲቡ አካናት ሸቅል ዲብ ፍንጌ አንፋር ኢንፈናቱ።
6. ዲብ ሐያትን ሚ ተቅዩር ክም አርኤን እግል መታሊትን ወፈተችን ንትሰኣል
7. ለነኡፈግሩ ስታት ዲብ መዓል አውዐሎት ወሐቲክ ዲብ ሳዐተ ወአካን እግል ትግበእ ለአስትህል። ሰበቡ ለገኦ ሸቅል እምበል ስታት ተጠውር ሰበት ኢለኦርኤ።

ልባብ

ዐውል ተበሰም (ስሕቅ) - ዐውል ናይ ስሕቅ ተበን አለቡ፡ ወአስክ እለ ህቱ ለረክሱ፡ ለቀልሉ፡ ወምን ክሉ ወለዐል ለሔሰ ለአስትህል እንዴ ትቤ ለትመጥዩ፡ ወእብ ናይ አማን ክም ህያብ አውመ ምንሕት እግል ለገብአ እት ገበይከ ለሰድፊክ ነፈር እግል ትትጸጌ እቡ ለትቀድር ቱ።

ስሕቅ አምዕል ናይለ ነፈር፡ አምዕል ናይለ ገብአ ልግበእ ነፈር፡ ወለ እግል ምዕል ናይለ ገብአ ልግበእ ጋሻይመ ላቱ ነፈር እግል ትክለቅ ትቀድር። ስሕቅ ምን እሊ ወኬንመ ዐደዮ ቡ ከየለ ዮም ደለ ሳደፊክ ወድ አደሚ እብ ዐደዮ ናይለ እለ ትወዴ ስሕቅ ክም ልትጸበጥ ውደዩ።

ስሕቅ ጠቢዐት ለሀበተናቱ አትናያት ለእንውሕጥ እቡ ምራቅ ቱ። ስሕቅ ተዕበት ተአትረሴዕ ወእብ ዕርፍ ወራሐት ተአሽዕር፡ ወእግል ሓዝናም ወእሱፋመ ጸሓይ እብ ፍግረታተ፡ ወእግለ ትፈለለው ወሰእየት ለበትከውመ ዴማት ሰእየት ተ።

ስሕቅ ሰኒ ቃልየት ሰበት ት እብ ማልመ እግል ትትዛበዩ፡ እግል ትትሰለፉ፡ አውመ እብ ርምቅ እግል ትርክቡ፡ አውመ እብ ሓለት ወእምበል ሸንሀት እግል ትትነዘዕ ወትትነሰእ ለልትቀደርመ ኢኮን። ስሕቅ እግል ትመጤ ገብአከ ምን ገብእ ሸንሀት እግል ተሀሌ እግልከ ለአትሐዜ፡ እሊ ህዬ ላዝም ምሮት ነፈር ሰኔት እግል ሊዴ እግልከ ኢለአትሐዜ፡ ስሕቅ እብለሀ ወእብ ሸንሀት በዕላቱ ለልትህዮብ።

ከእለ ሐቆ ትገብእ፡ ምሮት ነፈር እብ ስሕቅ እግል ለአተብርቅ እግልከ ተዐብ አውመ ሐሩቀት ለልትሰምዑ ዶል ሰድፊኩ እብለ ገብአት ትግበእ እንተ ምኑ እንዴ ሓሰከ እበ እንተ ለተአምረ ገበይ እንዴ ወዴክ ስሕቅ መጥዩ። ስሕቅ ህዬ ምን እግል ለሀበ ለኢቀድር ነፈር ወለዐል ለልትሐገዝ እታመ ክም የሀለ እግል ተአምር ለአስትህል።

ከስሕቅ ለቀሌት ጸጋይ እግል ክሉ ለመጥየ ምንሕት አውመ ህያብ ሰበት ተ። የለ ውሕር ኢትግበእ። ለገጽከ ፍሰስ እንዴ አበልካሁ እግል ሰድፊክ ክሉ ተበሰም ሌጠ መጥዩ።

ተበሰም



ምሮት ምን ቅያስ ወለዐል ሓርቅ ለዐለ አብ እትለ መክተብለ ምዲርለ መድረስት ጠበሽ ቤለ። “አነ እግል አምረ ሐዜ ለህሌኮ” ጨጭ እት ልብል፡ እሊ ወልዬ ፈዳብ ዲብለ ናይ ሂጋ እንግሊዝ እምትሓኑ እብ ሚ ሰቡብ ቱ ባሕ ለሀብኩሙ” ቤለዩ።

“

አዜ፡ እንዴ ኢትፈግር፡ ለናይ እንግሊዝ ኡስታዘት ዲብ እለ እግል ትርከባ ቱ፡ ወእምበል ሸክ ህተ ለጋሪት እግል ትፈሰረ እግልካቱ” ቤለዩ።

ሐቆ ሐዳት ደጋይግ፡ ኡስታዘትለ እንግሊዝ መጸት።

ለአብ፡ “እሊ ወልዬ ፈዳብ እብ ሚ ምስምሳቱ ዲብለ ናይ ደንጎበ ናይ ሂጋ እንግሊዝ እምትሓኑ በሕ ለትሀየበ” እት ልብል ሰኣሉ ቀደመ።

ለኡስታዘት ህዩ፡ “አነ ብዕድ ሓራን ይዐለ እግልዬ” ህቱ እግለ ወረገትለ እምትሓን ፋድየት ወክሉ ረእሱ ሐበትመ እንዴ ኢኮትብ እተ ጸዕደ ወዝዚፈት ዲብ እንተ ሰለመየ” ቱለቱ።

“እለ ላተ ምስምስ ኢኮን” ቤለ ለአብ ጨጭ እት ወዴ። “ምን ለሐምቅመ ናይለ ወረቀቱ ለነዚፈት እት እንተ ሰለሚኪተ ‘A’ እግል ትሄቡ ወጅበኪ ዐለ!” ቤለዩ።

ልጋብሆኳ ቲዩልል ጅብ ከፎ ደቅብዩ

ሰልፋይት ከጥወት፡ ለእለ ትክበትከ ድራሰት ሰኒ እንዴ ወዴክ አቅምተ። ምንለ ገብአት ምዕልክ እብ ክሱሰለ ለአትዕሱክ ጋራት ወምኖም ለከሰብካሁ ደርስ እቡ ገሌ እግል ትክተብ ወቅት ንሰእ። እብ ክሱሰ ነፍሰከ ሚ ዳርስ ህሌክ? እብ ክሱሰ ብዕዳም ህዬ ሚ ደረሰከ ወተዐለምከ? ሚ አግቡይ አውመ አብሳራት ረኤክ ወሰምዐከ? እብ ክሱሰለ እሉም ትነሰእ ረዱድ ፍዕል ወለእሉ ተህይብ በሊስ ሚ እትቁቡል ህሌኩ። ክሉም ዲብ እለ እዲነ ለሳድፎ ተዩልል እበ ልትረከብ ምኖም ደርስ ወፈሀም ሰኒ ታጅራም ቶም። ከዶል ለቀዳሚትከ ተአቀምት ተ፡ ሕኔት ያሬት እለ ጋብአት ምን ገብእ፡ ያሬት ሉሀ ሓልፈት ምን ተዐሌ፡ ያሬት እለ ምን ትገብእ እት ትብል ትትዋለብ፡ እግል ትድረስ ወትትነፈዕ ምኖም ለትቀድር እበ ጀሀት ምነ ምን ተአቀምቶም ለሔሰ ቱ።

ወቅት ገጹ ሐር እግል ትብለሱ ለልትቀደርመ ኢኮን፡ ምናተ “ምን ሐዲስ እግል ትድገሙ” እት አማን ቀርብ። አማን እብ አማነ ዶል ነሐዜ ህዬ፡ ምን ሐዲስ እግል ትድገሙ፡ አክል ሕድ አክል ተዩልል ለቀዳም ለመሰል አዜ እሊ ለእሉ ዕሉም ህሌክ ደርስ እሉ ለትትለቤ እቱ ሰኒ ውጡይ ላቱ ተዩልል እግል ትርከብ ኢኮን። እግል ሰልፍ ዶሉ ሐሰሌ፡ ለገብአ አትሓየሶት ኢረኩብከ ምኑ፡ እተ ካልኣይ ዶል ህዬ ቅሩብ ገሌ ሐዲስ ጋራት እግል ተአምር ቱ፡ እብለ ምስምስ እለ ገሌ እግል ትትጸገም ቱ።

ካልኣይት ከጥወት፡ ዐመል እብ ቢያን ትጸገም። ትዕስ እት ቀዳሚት ክም እንለጥእ ትወዴኑ፡ ከእለ ሐቆ ትገብእ፡ አዜ ዲብ እንቱ ነፍሰከ እግል ትሰዴ ወገጽከ ቀደም እግል ተአሳድር እግል ቲደየ ለትቀድር ሚ ክም ህሌት እግልከ እግል ነፍሰከ ትሰኣል። ከእንተ ለትትሐገዝ እተ ሰዳይት ህሌት ገብእ፡ ሾረት ወገሌ እግል ቲደየ ልብእትከ ህድግ ህዬ ሚ ገብእ ህሌት፡ ገሌ ሕዱድ እንዴ ረሰምከ እሉ እት ትተሌ ወመስኡልየቱ እግል ርሕከ ለተአረፍዐ ህዬ ሀለ መኢፋሉ? ትዕስ ወዶ ሐር ቃብል ላቱ በሊስ ቱ።

አክል ሕድ ለተፍርጎም ወገልድ ለትአተ እሉም ናይ መጸግም ከጥዋት ቤድረት ቶም። ክም ወዶ ሐር ቃብል ላቱ በሊስ እት ቀዳሚትከ ክም ትለጥእ ወዴኩ፡ ቤድራይ ላቱ በሊስ ህዬ ገጽ ቀደም ክም ተአሴርር ወዴኩ። ከእንተ ገጽከ ቀደም እግል ተአሳድር ቱ ለተሐዜ፡

ህታተ መኢፋለ?

ሳልሳይት ከጥወት፡ እግል ነፍሰከ ሳምሐ! እሊ ዝያድ ክሉ አሀምየት ለቡ ጋር ቱ፡ “ወክል ዶል መታክል ለብእቱ” ክፋል ናይለ ጸገም ቱ። ሕነ ክልናቱ ለጌገ ለእንብሉ ነኣጀሬ። እንተ ወድ አደሚ ክም እንተ ኢትትረስዕ፡ ከሰእየት ዋዲ እቶም ለዐልክ “ወአዜ አዜታይ” እግል ተአውቅዮም ትታኬ ለዐልክ መጸግም ወመስኡልየቶም እት መሸንገል ነፍሰከ ዋዴሆም ለዐልክ ጋራት አዜ ዲብ እንቱ በጠር ምኖም። እንተ ሓለትከ ላተ ክለ እውቁየ ህሌኩ፡ ሓለትከ ላተ ክለ ዋድሀ ህሌኩ፡ እንተ እበ እተ ወቅት ለሀይ ለዐለ እግልክ አምር ልግበእ መሓለት፡ ምነ እግል ተአውቅየ ለትቀድር ሐቱመ የአንቀሰኩ። እብ አማን ዶል ትትሃጌ ዲብ እለ ሸክ ለተአወዴ ሐቱመ አለብኩ። ከእግል ነፍሰከ፡ “ነፍሰዬ አነ እብ ክሱሰለ እብ

ዐደም ፈሀም አሰክ እለ ለትከሬኮ እቱ አክላጥ ምን ክሉ ቀልብዬ ሱምሕኪ ህሌኩ። ምናተ አማን ሐቆ ሐዜነ አነ ዐደድ ክለ ሓለትዬ ቱ ለትጸገምኮ ወእለ ጠመዕኮመ ይዐለት” በለ። እለ ሂጋ እለ እግል ከም ዶል ድገመ። አተንፍሱ፡ እብ ክለ ሓለት ሰኒ ቁሩይ ላቱ ትንፋሰ አስተንፍሱ።

እንተ እብ ሰቡብ ትዕስ እግል ትጥረዕ ወእግል ትምጸጽ አለብኩ። ሕሚት ነፍሰከ እግል ትብጠር ምነ ብእትኩ፡ በህለት ሕሚት ነፍክ አዜ ሐቱመ ኢትነፈዐኩ። እት ቢያን እብ ዐመል ከፎ ክም ትትበገስ ድረሱ፡ ሳሚሕ ወመትዋላብ ገጽ ሐር ብጠር ምኑ። ለድዋራትከ ተማም አቅምቱ ወትፋጠኑ። እግለ ብዝሓት ሰንየት ለአዜ እትለ ቀደሚከ ሀለየ አቅምት...ወሐቆ እለ ልህሌትመ ለሔሰት ክም ተ ኢትቅዬ፡ ኢትትዋለብ ወሐር ኢተሐረግርግ ወኢትብጠር፡ ገጽከ ቀደም ሌጠ አሳድር።

ጠፃም

ለገብአ ልግበእ ዕልብ ዲብ ሐምስ ዶል እንዝብጡ

- እግል ዕልብ ሓምስ ዲብ ዕልብ ጀውዚ ዶል እንዝብጡ፡ ሐቱ ቀሌለት ገበይ እንዴ ተሌነ ለበሊስ እግል ንርኩብ እንቀድር።
እግል መሰል፡ $5 \times 4 =$
 - ሰልፋይት ከጥወት፡ እግለ ዲብ ሐምስ ልትዘበጥ ለሀለ ዕልብ እንዴ ሰሰእካሁ እት ክልኤ ክፈሉ፡ እሊ እግል $4 : 2$ ወድየ።
 - ካልኣይት ከጥወት፡ እሊ እሉ ራክብ ህሌክ ዕልብ በሕ እንዴ ወሰከ እቱ ለእሉ ተሐዜ ህሌክ በሊስ ርኩብ። ለነቲጀት 20 ቱ፡ እሊ በሀለት $5 \times 4 = 20$
 - ዕልብ ሓምስ እት ዕልብ ፈርዲ ዶል እንዝብጡ ህዬ፡ ለእለ ንተሌ ገበይ ቅሩብ ፍንቲት ተ።
እግል መሰል $5 \times 3 =$
 - ሰልፋይት ከጥወት፡ ምነ ዲብ 5 ትዘብጡ ለህሌክ ዕልብ ሐቱ አንቅሱ፡ እለ ዶል ትወዴ ለዕልብ እተ ዶሉ 2 እግል ልግበእ ቱ።
 - ካልኣይት ከጥወት፡ አዜ እግል እሊ ዕልብ ክልኤ ሰሩ አንቅስ ምኑ፡ ዕልብ 1 እግል ልግበእ ቱ። ለናይ ደንጎበ ካነት 5 ውደየ። ለእሉ ራክብ ህሌክ ዕልብ እምበል ሸክ 15 ቱ፡ ከህታተ ማሚ ለአማን? $5 \times 3 = 15$ እምበል መኢገብእ።

በሀል እመራም

ጂሚ ሀንድሬከስ (ወድ አምሪክ ላቱ መሲቃር ወሔልያይ ቱ) ከእሊ ተሌ ገሌ ምን መግልሱ ቱ።

- እግል ዓለም እግል ትብድል ገብአከ ምን ገብእ፡ እት ሰልፍ እንተ ለረኣይከ ሚ ክም ቱ እግል ተአክዱ ወጅበኩ።
- ናይ ብሉዝ መዚቀት ሰኒ ቀላል ተ፡ ምናተ እግል ትሸዐር እበ ህዬ ክብድት ተ።
 - አነ ሐረ ሐቆ ዐልኩ፡ እሊ አነ ምን ሀርኩቶት እበጥር ሰበት የዐልኮ ቱ።
 - መሲቀት ኢተሐሱ፡ ከዲብ እለ እዲነ እግል ነኣምጽኡ ለእንቀድር መትበዳል ሀለ ምን ገብእ፡ ሐቱ ገበይ ሌጠ ህሌት፡ ህተ ህዬ መዚቀት ተ።
 - እግል እርገመካቱ፡ ወውላድክ ክሉም እብ ብራቃቶም እት እንቶም እግል ልትዋለዶ ቱ።
 - መዚቀት ዲንዬ ተ።
 - ዶል ለእግል ሰመ እስዕማተ ኢተአክደኒ።
 - ሓለት ፈተ፡ እት ረአስ ፈተ ሓለት ዶል ትትዐወት ቱ፡ ከለዶል ለሃቱ ለእዲነ ሰላም ሚ ክምተ ለተአምር።
 - ለእወድየ ህሌት ምን ገብእ፡ አነ እት ውዳይ ናይለ እበ እሸዕር እግል አተላሌ ቱ።
 - አምር ልትሃጌ፡ ልባብ ህዬ እዝን እንዴ ከረ ለአተንሴ።



ነፈሰ ወድ ዕትማን

ዓዳትነ ነጽሞር


ነፈሰ ወድ ዕትማን ወኪላዊ ሊትማን እብ ክሰሰ ሐልዮት፡ ዓዳት ወኪላዊ ትግራይት እተ ወደዉ በሐስ ወድራሳት፡ ክምሰልሁመ እት ደረጀት ጥባባት ለኣብጸሐው፡ ከዮም ክብት ትግራይት እግል ኣጅያል ለሐዲስ ጋብእ ለህለ ኣክትብት፡ እግል መጽእ ኣጅያል መትሃግየት ትግራይት ዝሕረት ዐባይ ተ። ነፈሰ ወድ ዕትማን ወኪላዊ ሊትማን ህዪ ዲብ ተእሪክ፡ ዓዳትነ ወሕላይነ ለኣግደዉ ዶር እብ ቀሊል ለልትረኤ ኢኮን። ከሰፍሐት ፈን ወግዳት እሊ እት ኣክትብት በዲር ለህለ ርዝቅ ህግያነ ክሉ ኣዳም ጀላብ እግል ልርከበ፡ ለኣምሩ ወልትነፈሰ እቡ፡ እትሊ ዓሙድ እሊ ምነ ብዞሕ ጽባጥለ ኣክትብት ዲብ ነሐሬ እንቀድም እኩም ህሌን። ከእግል ዮም'መ ምን እሊ ኣክትብት እሊ ለኣዳሌናሁ ጽባጥ ጀበእ እምለኩም፡ ከቅራኣት በኪተት፡



ኢ.ኖ ሊትማን

ድግም ሐርማዝ ወህመም ወወልዱ

ህመም እግል ወልዱ እት ሐቲ ኣካን ሓድጉ ዐለ። ወእግል ለወድ ህመም ሐርማዝ መጽአዩ ከእብ እግሩ ኬደዩ ወእንዲ ደዐከዩ ቀትለዩ። እሊ ክምሰል ገብኦ ዲብ ህመም መውዒ እንዲ ነድኣው ወልክ ሞተ እት ልብሎ ኣሰኣለዉ። ህመም ህዪ ሰኒ ግሂ ውሓርቅ ዲብ እንቲ ወልዩ መን ቀትለዩ? እንዶ ቤለ እግል መውዒታይ ትሰኣለ። ለመውዕታይ ህዪ ወልክ ሐርማዝ ቀትለዩ ቤሎ። ህመም እሊ በሊስ እሊ ክምሰል ሰምዐ፡ ወልዩ ገድም ሐርማዝ ቃትሉ ይህለ ወልዩ ቃትሉ ለህለ ሰኒ ኣምሩ ህሌኮ ወልዩ ኣጣል ቀትለዩ ቤለ። ለመሰኣላይ እለ ህግዩ ህመም ክምሰል ሰምዐ ፍቲ ወእቤ ወልክ ሐርማዝ ቀትለዩ ለኣማን ህዪ ትሕፈን እትክ ወትብረድ ህታተ ቤሎ።



ህመም ኣዜመ ምነ ብህለ ለዐለ ዘዐት እንዲ ኢልትናዘል ወልዩ ላተ ኣጣል ቀትለዩ። ሐርማዝ ክእነ ኣከይ መዋዲት ኢወዲ፡ በዐል ኣከይድስ ወበዐል እኪት

ኣጣልቲ ወኣናመ መርባት ወልዩ እንዲ ይኣቀሰን ክምሰል ይእትገሴ ሸክ ኢቲደው ቤለ። እሊ ህዪ ህመም ወልዱ ሓርማዝ ቃትሉ ክምሰል ህለ ሸክ ምንመ ይዐለ እሉ፡ ሐርማዝ ለቀትል እበ ሓለት ሰበት ኣለቡቲ ለኣማን እት ለኣምረ ለትብረዩ። ወእብለ ለሓለቲ ሐግለ ሐርማዝ ምኑ እንዲ ኣዝመ መርባቲ ዲብ ኣጣል እግል ልትፈዴ ትበገሰ።

ከኣዜመ ክምን እለ ድግም እለ ለእንፍህመ ኣዳምመ ምንገብእ ዎሮት ምኑ ለልደቀብ ክም ዐገበዩ ወህቲ ሓለቲ ክምሰል ሐግለ እትሉ ምኑ ለለሐውን ኣው ለለሐምቅ ቀንጽ።

ድግም ኣቡነወስ

ኣቡነወስ ብዙሕ ላብብ ዐለ። ወሹም ምድሩ እብ ለባቡቲ ክምሰል ሰምዐ ለኣይክ ለኣክ እቲ። ለልእክት ህዪ ክእነ ትብል ዐለት፡ “ሹም ቤሌክ ቦሉ፡ እብ ሸፋግ ምጽኣኒ ደኣም እብ እዋን ጸኣይ ኢትምጸኣኒ ወእብ ጽላል ኢትምጸኣኒ። ክምሰልሁመ እብ እገርክ ዲብ ትገናድል ኢትምጸኣኒ ወዲብ ረኣስ መጽዕን ምለዐል እት ሸንን ኢትምጸኣኒ፡ ወእለን ክለን እበን ምን ትመጸኣኒ እት ነፍሰክ ፍረህ ቤሎ።

ለለኣይክ ህዪ እግል ኣቡነወስ ክምሰል ኣሰኣለዉ። ኣቡነወስ ሰኒ ትፈክረ ወሐሰበ ወሐር፡ ምለዐል እብ ግላዩ እት ቀሐት መጽዕን ሐቆ ኢሸንንኮ ወእብ እግርዬ ሐቆ ኢመጽኣኮ ገድም ብዕድ በሰር እግል እግሰር ብዬ ቤለ ወእንዲ ለሐሰብ ዐለ፡ ሸግዖት ኣምጸኣ ወዲብ ቀበት እንዲ ትወሸቀ ዲበ ስጋድለ ገመል እሶረ እብዬ ቤሎም። ወክም ኣሰረወ እሉ እት ጽጋድ ለገመል ዲብ ለሀንጦጥል እት ለሹም መጽኣ ወለሹም እብ ብሰሩ ተዐጀበ ልትበህል።

ምን ሕላይ ሰብ በዲር

ኣይዋ እት ህግያ ትግራይት ሕላይ ክማ ሐዜክ ትፈሰሩ። ድመልክ ትሸርሑ። ፈርሐትክ ትፈሰር እቡ። ሰኣልማ ምን ልትወጀህ እትክ ለእሉ ትሰኣለውክ ሰኣል ትበልስ እቡ። መሰለን ግዱፍ ለልትበህል ሐልያይ ምን ሐባብ ዐድ ህብቴስ እሲቲ ምን ሐድጋ። ሕመድ ለልትበህል መሰኒሁ ህዪ ለሕድጎ ሰበት ኢረደዩ እሉ እት እሲቲ እግል ለኣቅብል ደከለዩ፡ ግዱፍ ህዪ እግል ደከለት መሰኒሁ ሕመድ እብ ክእና በልስ እታ።

- እንዲ ድዌ ወሕመድ - ለደኪለቺ ምን ተሐዜ
ሐርማዝ እንዲ ዳበራ - እብ ሓልባት ምን ኣቲ
እርወት እንዲ ትገበለት - እት ኣኣ ነጹፍ ምን ትትገርጃ
ሐየት በዐል ኣኣ ምንገብእ - ከመሐልክ ወዕቆት ምን ወዲ
ህመም ዐጣል ምን ለውዕል - ወለትጸረረት ምን ጠቤ
ሀሮዳ ለዐል እንዶ ደርገጋ - ከእት ሰጋደት ምን ትኬ
ወሐዝ እንዶ ኣቅበለ - ከእት ረወሪት ምን ኣቲ
ወዐስተር ጋድም ምን ትገብእ - ከኣድሁይ እለ ምን ኣቲ
ዎ ጋድም ዐስተር ምን ገብእ - ከዕሬዳና ምን ተኬ
ወበይሐት እትዬ ምንገብእ - ከመድህን እታ ምን ኣቲ
ወድ ሐሺል እንዶ ትሸዩመ - ከእብ ዋንጫታት ምን ሰቲ
ኣንጻይ ኣመት ምንገብእ - ከከልዒተታ ምን ተኬ
ከራይ ኣዱግ ምን ተውዕል - ከሸእ ትብል ወትክርሴ
ወገርዋ ብዕራይ ምንገብእ - በዐልቲ ቀሐተ ምን ትወዲ
እለ ኢገብኣት ምንገብእ - ሐካዲ ለቤታ የኣቲ።



ሕላይ እብ ኣምኣት

ዲብ ሐቲ ዐድ፡ ፋይድ ለልትበህል እናስ ሰኒ ጽጉብ ነብር ዐለ። ኣባግዑ ዐድድ ይዐለ እግለ። ለምድር ገልበቡቲ ምን ገብእ፡ ንዋይ ብዕድ ኢልትወዐል እቲ። ፋይድ ላኪን ሰኒ ውሕር ነብረ። ኢለኣዘቤ ምነ ወኢልሐርድ። ዲመ ዳይም እት ለዐብደ ነብር ዐለ። ሐቲ ሰማዲት ለብስ ወሕጃፍ ልትጋሬ ነብረ።

እብ በኑ እግል ለኣውዕለ ሰበት ኢቀድር ተላይ ዋዲ ዲበ ዐለ። ለትላይ መረ ሕጉዝ ሰበት ዐለ እግል መንበረት ሌጠ ታለዩ። ለኣውዕለ ለሐልበ ወክለ ለትኣትሐዜ መራዐየት ወዲ እግለ ነብረ። ፋይድ

መረ ውሕር ሰበት ዐለ እት ሰር ሰነት ሐቲ ድርፍነት ለህይቡ ምነ ዐለ። ለድቡር ተላይ “ሐሊብ ዲብ እሰቲ ምንዲ እነብር-መ ሚ ትከሬ ምንዩ” እንዲ ቤል ምስለ በዐለ ኣባግዕ ነብር ዐለ።

ኣምዕል ሐቲ ለበዐለ ኣባግዕ ዲብ ዐድ ውዕል እንዲ ዐለ ኣልዕስር እግል ልትቃበለ ትበገሰ። ለኣባግዕ እንጀሕ እንዲ ትመስል ለጋድም ግልብብት ክምሰል ረኣዩ ሰኒ ትበሰጠ እግለ። “ያረይ እለ ሐማሊ ምነ ገርም ወለሐይስ ረቢ እርኡዬ ኢኮን!ያረቢ ኣብዝሐ እግልዩ” እት ልብል እብ በኑ ተቀም ቤለ። ለኣባግዕ ክምሰል

ሸኣገቲ ህዪ ፋርሕ ዲብ እንቲ “ውክ፡ ውክ፡ ንዲ ሐማሊ” እት ልብል ካበረዩ።

ለተላይ ክምሰል መጽአዩ “ስምዒ ኣብረደ ግርመት ናይ እለ ኣባግዕ ኢትዐጅብክ ማሚ? ልትፈሌ ዮመቲ ሕላይ ኣምር ወገብኣኮ! ሰኒ ወሐሌክወ ሐማሊ” ቤለዩ። ኣብረደ “ ስምዒ ኣቡዬ ፋይድ፡ ሕላይ ምንገብእ ኣነ ሐልዩ ላኪን እንተ ሚ ተህይበኒ?” ትሰእለዩ። ፋይድ እንዲ ልትሰሐቅ “እንተ ጠይ ኣቡክ እግል ሐማሊ ለገብእ ሕላይ ኢትሐሌ። ምን ተሐሌ ላተ ዐቢ ወሀብኩክ” እት ልብል በልስ ዲቡ። ኣብረደ “እንተ ገለድ በኣክ እግልዬ ምን ገብእ እግልክ ለረይሕ ሕላይ ኣዜ ሐልያ ቲ” በልስ ዲቡ ዳርግ እት እንቲ።

ፋይድ “ኣነ ሐዝዩ ለህሌኮ ሕላይ ግምሽ ኢኮን። እለ ኣባግዕ እበ ቅዙር ዕማረ ግርመተ ወኣጅናስ እብ ምእት ምእት እንዲ ካፈልካህ ሐሌካህ ምን ገብእ ለዲብ ሰስ ወርሕ ትነስኣ ሸቤትን ኣዜ ህይብኩ። ለሕላይክ ሐቆ ሐወነ እትሊ ኣዜ ለመጽኣ ሰስ ወርሕ ብግዕት ይህይበክ” እት ልብል ኣትፋረህዩ። ኣብረደ እንዲ ኢፈርህ “እለ እንተ ትብለ ለህሌክ ትግበእ።


ምሴ ክምሰል ትደረርን እግል ሕለዩ እግልካቲ” እት ልብል ትዋፈቀ። ኣባግዖም እንዲ ሐልበው ክምሰል ትደረረው ወኣስተርሐው፡ ኣብረደ ክእነ እት ልብል እብ ሕላይ ቲት ኣበለ።

- ሐማላይት ኣሹሊ
ሐማላይት ኣፍ ዕማም ዐስር
ዕማር ተዐምር
ዕማረ ዎሮ ዶል ኣዝህርቲ
ወዕማረ ዎሮት ኣልዕስር
ዶል ለእግለ ትትፈረር
ትገልበቡ ለምድር
ሐለብ ዎሮት ሕቃንቲ ዲብ
ሐየሬ ልትኬለል
ወሐለብ ዎሮት መጢቅ ቲ
ዲብ ዐማይር ልትዐገል
ምእት ኣመድፈ ሸካል እት
ሸላሸል
ምእት ገረጃህ ኣሰር ዐሙር

ደውር
ምእት እማት ዐውያት
ረኣሰለ ዕቆት በጥር
ምእት መካናተ እብ
ኣስዑዱ ገንድል
ምእት ፈራራተ ምንቲ
እግሉ ለሀርር
ምእት በዳያተ ጤብዩት
እበን ትነብር
ምእት ለዐይዋተ ጋራት ሚ
ኢልኣፈግር
ኣናዲ እለ እቤለ ወወስክ
እንተ ምን ተኣምር

እት ልብል ክምሰል ሐለዩ ለበዐለ ሰኒ እንዲ ትበሰጠ ክምሰል ቆሉ እግል ኣብረደ ሸቤን ወጀበት ሀበዩ። ምነ ኣምዕል ለህ ወሐር ሕኔት ክም ተላይ ክምሰል ወልዱ እግል ልግንሐ ኣንበተ።





ጅግራታት ርዕደት መዳርስ 2ይት ደረጃት አቅሊም ምግብ ልተላሌ

ራቤዕ ሳምንቱ ጳብጥ ለሀላ ጅግራታት መዳርስ 2ይት ደረጃት አቅሊም ምግብ ለሐልፈት ሰንበት ዐባይ ሄለል ጃንዋሪ ምን ገጽ ምሴ እት መያዲን መዳርስ አስመረ ሓፈሻዊ፡ በርኩ፡ በሐር ቀየሕ ወሐላይ ትሉሉይ አምሴ፡

እት ኮበሪት እግር አዋልድ፡ ሓላይ እግል ሰሐርቲ 6-0፡ በርከ እግል ኢብራሂም ሱልጣን 4-0፡ ሓርነት እግል ርእሲ ዐዲ 3-1፡ ክምሰልሁ መሰንበል እግል ተክሌ ዐገባ፡ ወአስመረ ሓፈሻዊ እግል እምበሀረ፡ እብ ሕድ ለትሹቡህ ፍገሪት 3-0 ቀልፆ እት ህለው፡ በሐር ቀየሕ ምሰል ጸዕዳ ክርስትያን

0-0 ትፈናተው። እት ናይ ውላድ ህዬ ደምቤ ሰምበል እግል ማይ-ነፍሐ 6-1፡ ሐላይ እግል ሰሐርቲ 3-1፡ ሰምበል እግል ተክሌ ዐገባ 5-0፡ ሓርነት እግል ርእሲ ዐዲ 4-0፡ በርከ እግል እብራሂም ሱልጣን 2-1፡ ወድያእ እግል በሐር ቀየሕ፡ እምበሀረ እግል አስመረ ሓፈሻዊ 1-0 ቀልበምም። ኢሳቅ ተወልዱ መድህን ወጸዕዳ ክርስትያን ህዬ 1-1 ክም ትፈናተው ለረከብናህ ሐብሬ ተክክድ።

እት ሾሊቦል አዋልድ፡ ኢብራሂም ሰልጣን እግል ሰንበል፡ ልምዐት እግል ተክሌ ዐገባ፡

ሓርነት እግል ርእሲ ዐዲ፡ አስመረ ሓፈሻዊ እግል እምበሀረ፡ ሐላይ እግል ማይ-ነፍሐ፡ ደምቤ ሰምበል እግል ሰሐርቲ፡ ድያእ እግል በሐር ቀየሕ፡ ደንደን እግል ኢሳቅ ተወልዱ መድህን፡ እብ አክል-ሕድ ፍገሪት 2-0፡ ቀልበያህን።

እት ሾሊቦል ውላድ ህዬ፡ ልምዐት እግል ተክሌ ዐገባ፡ በርከ እግል ሚናቤ ዘርኢይ፡ ሓርነት እግል ርእሲ ዐዲ፡ ማይነፍሐ እግል ሐላይ፡ ደምቤ ሰምበል እግል ሰሐርቲ፡ ድያእ እግል በሐር ቀየሕ፡ ጸዕዳ ክርስትያን እግል ኢሳቅ ተወልዱ መድህን፡ ደቅሰብ እግል ደንደን 2እብ0 እት ቀሉሶም፡



ኢብራሂም ሱልጣን እግል ሰምበል፡ አስመረ ሓፈሻዊ እግል እምበሀረ፡ ህዬ 2እብ1 ቀልበው። እት ኩረት

ሰለት ህዬ አዋልድ መድረሰት ልምዐት እግል መድረሰት በሐር ቀየሕ 44 እብ 24 ቀልበያህን።

ዐንሰብ፡ ጅግራታት ኮበሪት እግር እብ ነያረት ልተላሌ



ስታድዩም መዲነት ከረን -ጆኮ ለሐልፈ. ሰነብት ሐምስ ትልህዩ ክም ተሐደረ ምንኬን ለበጽሐተነ ሐብሬ ተክፍህም።

ሰንበት ንኢሽ እት ገብእ ትልህዩታት ሻምፕዮን ኮበሪት እግር መዲነት ከረን፡ አልነጅም ወሻን 0-0 እት ፈግሮ፡ ሰንበት እት ገብአት ትልህዩ ጋሽ ወላልምባ፡ እትሊ ሻምፕዮን ሰኒ ልሄርር ለሀላ ፈሪቅ ጋሽ እት መትጃግራዩ ላልምበ 2-1 ተዐወተ።

እምበልሁ መጅግራታት ሊግ ዐንሰብ ሰንበት ንኢሽ ኢትዐብር ወአልህላል እት ለአነብቶ፡ አልህላል ፈዳብ መተልህያዮም ሰምኦን ክፍላይ እንዴ ሰደዮም እግል ኢትዐብር 3-1 ቀልበው። ፈተሻ ኩረት እግር ብዝሓም ልታከወ ለዐለው ትልህዩ ፍረቅ ደንደን ወዐንሰብ፡ ደንደን 3-2 ቀልበው ዲበ። ደንደን ህዬ እግል ካስ ለገብእ ንቀጥ ሕዩብ ለሀላ ፈሪቅ ቱ።

ሰንበት ዐባይ እት ገብአት ትልህዩ ህዬ አሳሕል እግል እት ዝናበት እሊ ጅግረ ለሀላ ፈሪቅ ዝዘገንዳ 3-1 ቀልበው። ካፒታኖ ናይ አሳሕል ገዲም መተልህያይ ሰልጣን ዑሰማን ህዬ ለሐሰ መተልህያይ ናይለ ትልህዩ ነስኦ።

እምበል እሊ መጅግራታት ርዕደት መዳርስ መአንብታይት ደረጃት ከረን እትለ ሳምን ገብእ ክም አስመነ ምን ከረን ለበጽሐተነ ሐብሬ ተክክድ።

ፕሪመር ሊግ እት 18ይት ሳምንቱ

ለዐባዩ ፍረቅ እንግሊዝ - በሀላት ፕሪመርሊግ፡ እት ሐልፈ. ሰነብት ምን ገብእ ወአትኒን ትልህዩታቱ ዋዲ ዐለ። ፍገሪትለ ፍረቅ ክእኒ ተሌ ተ፡

ብሬንትፎርድ እግል ዌስትሃም 2-0፡ ሊቨርፑል እግል ሌሴስተርሲቲ 2-1፡ ማን-ዩናይትድ እግል ዎልቭስ 1-0፡ ፋልም እግል ሳውዛምፕተን 2-1፡ ክሪስታል ፓላስ እግል ቦርኔማውዝ

2-0፡ አርሰናል እግል ብራይቶን 4-2፡ አሰቶን-ቪላ እግል ቶቲንሃም 2-0፡ ወብሬንትፎርድ እግል ሊቨርፑል 3-1 ዲብ ቀሉሶም፡ ኖቲንግሃም ወፔልስ 1-1፡ ኒውካስል ወሊድስ 0-0፡ ክምሰልሁ መጅግራታት ርዕደት መዳርስ መአንብታይት ደረጃት ከረን እትለ ሳምን ገብእ ክም አስመነ ምን ከረን ለበጽሐተነ ሐብሬ ተክክድ።

ወእብሊ ሰቡረትለ ፍረቅ ፕሪመርሊግ እበ ለፍረቅ እክእሉሉ ለህነ ንቀጥ ዶል እንርእዮ፡ ገሌሁ ፍረቅ ሰመ እት ለዐርግ፡ ገሌሁ ምድር እት ለድድ ልትረኤ፡ ምናተ ለሐምስ ሰልፋያም ፍረቅ እሉም ቶም፡

- | | |
|-----------|-----------|
| 1. አርሰናል | - 43 ንቅጠት |
| 2. ማንሲቲ | - 36 ንቅጠት |
| 3. ኒውካስል | - 34 ንቅጠት |
| 4. ማንሹስተር | - 32 ንቅጠት |
| 5. ቶቲንሃም | - 32 ንቅጠት |



ፔሌ፡ እት ሰነት 2000፡ ናይ 20 ክፈልለ-ዘበን ለሐሰ መተልህያይ እንዴ ትበሀለ እብ 'ፊፋ' ትሸዩመ። ፔሌ እት ታሪክ ኮበሪት እግር፡ ምሰል ፈሪቅ ሰለስ ዶል ካስ ዐለም ለነስኦ መተልህያይ ኦሮት ህቱ ሌግ ቱ። ኮበሪት እግር ምነ ብዕድ ርዕዳት ዝያደት ክም ትትፈቱ ምነ ለወደው መተልህያት ክም ቱ መሐልን ርዕደት ለሀድጎ። ሕክመት ብራዚል እብ ሞት እሊ ኮከብ መተልህያይ፡ ናይ ሰለስ ምዕል ሐዘን አወጀት።

አብ ሰቦ አጀኒት ሳቱ ፔሌ፡ እብ ከላዊሁ ሕመም ነብር ዐለ። እትሊ ወክድ ሞቱ ፔሌ፡ ሰረጣን አምዓይት ክም ጸንሐ ዲቡ ተአመረ። ዓደት ቀብሩ ማሌ አተላተ እት ትወለደ ዲበ መዲነት ሳኡ-ፓውሎ ዲብ

መቅበረት ጸዋሁ መላዩን ፈተሻ ዲበ ሐድረወ ኢነት ገብአት።

“ፔሌ” እበ ትብል ክናየት ለልትአመር ኡዲሰን አራንቴስ ናሽሚንቶ፡ ወድ 17 ሰነት ዲብ ሀላ ቱ ሰሚቱ እት ታሪክ ኮበሪት እግር ዐለም ንቅረት ለፈግረት። እት ሰነት 1958 ሰዊድን ለትሐደረቱ ካስ ዐለም ዲቡ፡ እት ትልህዩ ርቦ ነሃየት ፈሪቁ ምሰል ዌልስ ዶል ተልሀ፡ ኦሮት ጎል ዐውቱ ፈሪቁ እት ለአቱ፡ እት ትልህዩ ሰር-ነሃየት ህዬ፡ ቅብላት ፈሪቅ ፈረንሳ ሃትሪክ ሸቀ። ብራዚል ምሰል ሰዊድን እት ትልህዩ ነሃየት እግል ካስ ዶል ትዋጅህት 5-2 እት ቀልበት ዲበ ኢነት፡ ፔሌ ክልኦት ጎል እግል ፈሪቁ ሰጀለ። ወድ 21 ሰነት እት እንቱ ዲብ ካስ ዐለም 1962፡ ቅብላት ፈሪቅ

ሚክሲኮ ለሐሰ ጎል ዲብ ሰጅል፡ ሰበት ትዘበወ ምን ትልህዩ ምንመ ፈግረ፡ ፈሪቁ ካስ ናይለ ሰነት ለሀ ተሆገለ። እግል ሳልስ ዶሉመ እት ሰነት 1970 ለካስ ክም ነስኦ ታሪክ ለሓኬ።

እት ሰነት 2000 ሸበኩት ቢቢሲ እት ፈዳብያም መተልህያት ኮበሪት እግር እት ወዴቱ ተሰዊት ለሐሰ መተልህያይ ዐለም፡ ፔሌ እግል ልዩኔል ሚሲ፡ ክሪስትያኖ ሮናልዶ፡ ዲዩጎ ማራዶና ወዩሃን ክሩፍ እንዴ በድረ፡ አወላይ ለሐሰ መተልህያይ ዐለም ለቱሉ ዲበ ሰነት ዐለት።

ዲብ ዮም 23 ኦክቶበር 1940 ዲብ መዲነት ሳኡ-ፓውሎ ለትወለደ ፔሌ፡ ብክር እግል ዋልዴት ቱ። ክልኦት ሐዉ ደርቡ ለትወለደው ቶም። ህቱ

ክናየቱ ‘ዲኮ’ ምንመ ዐለት፡ ደረሳይ ዲብ ሀሊ፡ “ምን መተልህያት ኮበሪት እግር ምን ትፈቱ?” እት ልብል ሰኦል ዲብ በልሱ፡ መተልህያይ ፈሪቅ ሻስኮ ዲጋማ ለዐለ “ቢሌ” እፈቱ ክም ቤሌ ውላድ መድረሰቱ “ፔሌ” አልጠአው ዲቡ። ህቱ ሓግላይ ጅነ ዲብ እንቱ ዲብ ‘ባኦሩ’ ለልትበሀል ሓግላም ለነቡሩ ድጌ ሳኡ-ፓውሎ፡ ኮበሪት ሸለትት ዲብ ልተልሂ ለአሰተብደዩ ኩረት እግር፡ መልክ ናዩ እንዴ ገብእ እግል ልተልህዩ ሓሰብመ ኢለኦምር። ሰላዲ እግል ልርኩብ ክም መባሸር እት ገሀውት ሻሂ ዲብ ሸቁ ቱ፡ ቅድረቱ ዲብ ኩረት ሸለትት ለረኦው መተልህያት ምሰሉም እግል ለሓቡሩ ለትጋደለው። ወእባሁ አገድ ዲብ መጅተመዕ ዘበናይት ኮበሪት እግር ወፍረቅ ተሓበረ ከምን ሕግላን እብ ትልህዩ ኩረት-እግር ለተጀረ ወትአመረ።

ለፈዳብያም መተልህያት ክም ኔማር፡ ሮናልዶ፡ ሚሲ፡ ኡምባፔ ወብዕዳም፡ “ቀደም ፔሌ፡ ዕልብ 10 ፍሌንዳት ዐውል ዩዐለ እግሉ። ኩለ ትልህዩ ኮበሪት እግር እት መትፋግዲ ለበደለ ለሐሰ መተልህያይ ትፈንቴን” እት ልብሎ ዲብ መሕበራይ ወሳእል እዕላም ካትባም ህለው።

ፔሌ ክም ከረ ፑማ ለመሰለ መአሰሳት ልባስ ርዕደት ወእስኦኖታት፡ እብ ሰሚቱ ማል ብዞሕ ክም ጃቀፈዩ ወእግሉመ 120 አልፍ ዶላር ፊርመት ውፋቁ እግል ለአዝቤ ዲቦም ክም ደፍዐዉ ልትአመር። እዜ ፔሌ ዝያድ 100 ሚልዮን ዶላር ለገብእ ማል እጽኖሕ ሀሊ።

129 ኢነት ሃትሪክ አግዋል ለኦተ ፔሌ፡ እት ሰነት 1956 ወድ 15 ሰነት ዲብ ሀሊ ምሰል ፈሪቅ ኮበሪት እግር ሳንቶስ አተ። እት ወሬሕ ህዬ 10 ዶላር ማህየት እበ እግል ልተልሂ ምሰሉም ፈረመ።

እት 1960ታት ፔሌ ምን ፍረቅ ዐዲ በረ እግል ኢልተልሂ ሰበት ትመነዐ፡ “ተምሳል ኮበሪት ብራዚል” እበ ትብል ክናየትመ ልትአመር። እምበልሁመ ፔሌ፡ እት ታሪክ ትልህዩ ኮበሪቱ ከርት ቀዩሕ ናስኦ ሰበት ኢነት፡ “ለጸዕዳ ኮከብ -The white star” ለትብል ክናየትመ ቡ።

መርሐባብ ሰነት 2023

እሊ ሐልፌን ወሬሕ ዲሰምበር፡
አክር ሰነት 2022 ዐለ። 2022መ
ደዓም ክም እሊ ወክድ ጎነ ሰነት
ሐዳስ ዐለት። ላኪን እት የም
እንዴ ገብአነ ዶል ነአቀምተ፡ ሰነት
ገዲመት ወሓልፈት ገብአት።

ሰነት ሐዳሴ ውላድ አደሚ እብ
ሽዑር ሐዲስ ቶም ለልትከቦተ።
ሰነት 2023መ እላተ ሄለለ እንዴ
ጸቡዮ። የም ራቤዕ ምዕል ምን
ጃንዋሪ ውዕላም ህሌ። ከሰነት
ሐዳሴ፡ ክል ነፈር፡ ምን ዕምሩ
ሽልካፈ ትነሰእ ምንመ ህሌት፡
እብ ሰእየት ወትምኔት ሰኔት ሰበት
ልትከቦተ፡ ምን ዕምሩ ትገይስ ክም
ህሌት ኢልሽዕር እቤ።

እት ሰነት ሐዳስ ክል ምኒ።
እት ተመኒት ሐዲስ ለአቱ። “የም
ዓመት እት መድረሰቼ እግል
እፈድብ ብዬ። የም ዓመት ወለፍ
እግል ሕደግ ብዬ። የም ዓመት
ለእኩይ ጠባይዕዬ እግል እዘም ምኑ
ቱ። የም ዓመት፡ ብኡስ ምስሎም
ለዐልኩ፡ እግል እትዓሬ ምስሎም

ቱ። የም ዓመት...
ከሰታት፡ ክል የም ምን ገብእ
ወእት ፍዕል ምን ልተርጀም ቱ
ድኢኮን። ሰታት ወቅት እግል
ልትጸበር ወሰነት ሐዳስ ዲበ ሚዓድ
እግል ቱዴ እግሉ አለብኩ። ክምለ
ከወጅ ለልቡሉ፡ ክል ሰነት ሐዳስ
እብ ሐዞታ ተ። ለሐዞተ ወእኪት
ትገብእ ቱ ወሰኔት ለልአምረ ምኒነ
አለቡ።

ሕነ ላኪን እንሰትት ወረቢ ክም
ሻኑ ወዴ። ከየም ገሌ ምነ እት
ሰነት ሐዳስ እት ኩለ እዲነ ለገብእ
ዐዋዲ ወለመድ እግል ንርኤ ቱ።

እት መብዝሐ እዲነ ሰነት
ሐዳሴ፡ ክም እንቡተት ናይለ 12
ወሬሕ ለእንብሉ ወቅት እንዴ
ነሰአ። ሰታትነ ጀዲድ እብ ፋል
ሰኒ ለንኤትን እተ መርሐለት
ሐዳስ ተ። ሕና ቱ ሐዳስ እንብለ
ህሌነ ድኢኮን። ለጸሓይ ለማሌ
ፈግረት፡ የምመ ህታተ፡ ሐዳስ
ኢኮን ወባልየት። ላኪን፡ ሄለል
ጃንዋሪ ናይ ክል ሰነት እንቡተት

ሰበት ቱ። ክም እንቡተት ሰነት
ሐዳስ ወዲሰምበር ህዩ ክም ካቲማህ
ልትዐለብ።

መብዝሐ ሽዑብ እዲነ እትለን
ለሐልፈያነ አምዴላት፡ ዕጩት
ሚላድ እት አፍያቱ ዲብ ዋትድ፡
ሰነት ሐዳስ እት ለዐይድ እስሙን
ቱ። ህድያት ልትባደል፡ ሕድ
ለዐዘም፡ አጀኒቱ ለአትመሼ ወእት
ልሰሐቅ ወልትለወቅ እስሙን ቱ።
ሰነት ሐዳስ እብ ፍክር ሐዲሴ፡ እብ
ልብ ናሴሕ፡ እብ ሐንገል ፋቲሕ፡
እብ ገጽ ፋሬሕ ወእብ ሰታት
ዋዴሕ ተ ለትኣነብት። ምናተ፡
ለሰተትናህ እተ ወክዱ ለእመር
ዶል ነአተምመ፡ ለዐውቱ ህታተ።

ከእት ሰነት ሐዳስ ምነ እት ኩለ
እዲነ ለልሙድ ጋራት ገሌ፡-

1. ሐዳስ ሰነት እት ብራዚል፡
ኩሉ አዳም ምሴት ሄለል ጃንዋሪ፡
አስክ ለዋው በሐር ገይሶ። ሰበቡ
ህዩ እት ምድሮም ወክድ ብርድ
እንዴ ኢገብኤ፡ ሐፋነት ለትኣነብት
እቱ ወክድ ሰበት ገብኤ። ኩሉ
ልባሶም ህዩ ጸዕዳ ቱ።
2. ሰነት ሐዳስ እት ስፐይን፡
12 ሐበት ምን ዕነብ ብሸል እት
ቀበት 12 ካልኢት እግል ትብለዕ
ብኩ። እሊ ህዩ፡ 12 እደይ ሳዐት
ለወክል ዕልብ ቱ። ለሳዐት 12፡
00 ምግብ ላሊ አስክ ትዘብዋ ህዩ
እት ቀበት 12 ለካልኢት እግል
ትብለዐን ብኩ።
3. ሐዳስ ሰነት እት ፈረንሳ፡
ኩሉ አዳም እት ሱግ እንዴ ትከረ
ከምረት ዋይን ሱቱ፡ ሳምፓኛ ነሳንስ
ወሰሴዕ ዲበ ልትመዬ።
4. ሰነት ሐዳስ ዲብ ከናድ፡
አዳም እት በረድ ለብእቱ አምዳር
እንዴ ትከሰኣ፡ እት ቀበትለ በረድ
እብ ብርድ ለትማየተ ዓሳታት
ለአሬ ወቃምድ ወበሌዕ ልትመዬ።
5. ሰነት ሐዳስ እት አየርላንድ፡
ሕበዝ ናይ ባኒ እት ብነእ
ወአፍቤትክ ትላክፍ። እሊ ህዩ፡
እኪት ትሕለፈነ ወጽጋብ ልምጸኣነ
ለበህለት ቱ።

እብ ሰበት መራት ቪክቶርያ ሚ ተአምሮ?



መራት አው ብሔረት ቪክቶርያ ሐቱ ምነ ዐባዩ ብሔራት ዲብ አፍሪቃ
ተ። ዲብ አፍሪቃ ምነ ረሐብ አርድ ለጸብጠየ ብሔራት ሐቱተ። እለ ብሔረት
እለ ዲብ ዐለም ምነ ዲብ ትሮፒካል ለህለየ ብሔራት እት ገብእ እብ ዕቢናህ
እት ዐለም ካልኣይ ደረጀት ትጽብዋ፡ ብሔረት ቪክቶርያ ምነ ማይ ነዲፍ ለበን
ብሔራት እት ገብእ ሐቀህ ዲብ አማርክ ለህሌት ብሔረት ሱፐርዮር እብ
ካልኣይት ደረጀት ትትረተብ።

ብሔረት ቪክቶርያ ቀደም 400 አልፍ ሰነት ለትከለቀት ክምሰልተ ልትህደግ።
እለ ብሔረት

ሐቃይቅ እብ ሰበት ብሔረት ቪክቶርያ፡

- ርሕብ = 68.800 ኪሎሜተር መረበዕ
- ሪም ማንራሪብ = 337 ኪሎሜተር
- ምነ ለልትፈረዕ አንሃር = ኒል ጸዕደ
- ዲበ ለለዐይር አንሃር = ነሀር ካፔሪ
- ለልትረከብ እተ ዓሳታት = ናይል ፕሮቶህ ወናይል ቲላፕየ
- እት ቀበተ ለህለ ጀዛይር = ዩክርጌ፡ ራቡንዶ፡ ዩትሪ ወማቡቲ ለልትብህል
ጀዛይር ህለ እተ።
- ቀሪነ = 83 ምትር
- ምስል ብሔረት ቪክቶርያ ለልትሓደደ ድወል = ኬንያ፡ ኡጋንዳ ወተዛዚዮ።
- ለልትሓደደ መዳይን = ካምፓሊ፡ ኪስሙ፡ ኢንቲቤ መዋንዘ፡ ጃንጃ፡ ቡኮባ፡
መሶማ፡ ሆማባይ ወኬንዱ በይ


TRICK : KENYA TAU ne Victoria lake dekhi

- Kenya,
- Ta-Tanzania
- U-Uganda,



Lake Victoria borders three nations, viz. Uganda, Tanzania, and Kenya. • The largest river flowing into the lake is Kagera River).

7 ፍንቲት ሰወር ሕዘው



ሳድስ ወራር እብ ካርቱን

